

RAPORT I MONITORIMIT

ZBATIMI I STRATEGJISË QEVERITARE PËR BASHKËPUNIM ME SHOQËRINË CIVILE 2019-2023

*Këndvështrim i Sekretariatit
të Platforma Civikos*

Prishtinë, 2023

Prill 2023

Ky publikim është bërë i mundur me mbështetjen e Agjencisë së Shteteve të Bashkuara për Zhvillim Ndërkombëtar.



RAPORT I MONITORIMIT

ZBATIMI I STRATEGJISË QEVERITARE PËR BASHKËPUNIM ME SHOQËRINË CIVILE 2019-2023

Këndvështrim i Sekretariatit të Platforma Civikos

Prishtinë, 2023

Ky raport është bërë i mundur nga mbështetja bujare e popullit amerikan nëpërmjet Agjencisë së Shteteve të Bashkuara për Zhvillim Ndërkombëtar (USAID). Përmbajtja është përgjegjësi e Platforma Civikos dhe nuk pasqyron domosdoshmërisht pikëpamjet e USAID ose të Qeverisë së Shteteve të Bashkuara.

PËRMBAJTJA

7	PËRMBLEDHJE EKZEKUTIVE
8	HYRJE
10	METODOLOGJIA
11	I. STRATEGJIA QEVERTARE PËR BASHKËPUNIM MË SHOQËRINË CIVILE 2019-2023 DHE ZBATIMI I SAJ GJATË VITIT 2022
12	I.1. Zbatimi i Objektivit Strategjik 1: Rritja e pjesëmarrjes së shoqërisë civile në politikë-bërje
15	I.2. Zbatimi i Objektivit Strategjik 2: Përmirësimi i kornizës institucionale dhe ligjore për financim në zhvillimin e qëndrueshëm të programeve dhe projekteve të OShC-ve me interes publik
19	I.3. Zbatimi i Objektivit Strategjik 3: Zhvillimi i praktikave dhe procedurave për kontraktimin e OShC-ve në ofrimin e shërbimeve publike
22	I.4. Zbatimi i Objektivit Strategjik 4: Rritja e vullnetarizmit për programet me interes publik
24	II. PUNA E KËSHILLIT PËR BASHKËPUNIM TË QEVERTISË ME SHOQËRINË CIVILE GJATË VITIT 2022
26	III. SFIDAT E PËRGJITHSHME NË ZBATIMIN E STRATEGJISË
28	PËRFUNDIME DHE REKOMANDIME
30	SHTOJCA I. ZBATIMI I OBJEKTIVIT STRATEGJIK 1: RRITJA E PJESEMARRJES SË SHOQËRISË CIVILE NË POLITIKË-BËRJE
36	SHTOJCA II. ZBATIMI I OBJEKTIVIT STRATEGJIK 2: PËRMIRËSIMI I KORNIZËS INSTITUCIONALE DHE LIGJORE PËR FINANCIM NË ZHVILLIMIN E QËNDRUESHËM TË PROGRAMEVE DHE PROJEKTEVE TË OSHC-VE ME INTERES PUBLIK
43	SHTOJCA III. ZBATIMI I OBJEKTIVIT STRATEGJIK 3: ZHVILLIMI I PRAKTIKAVE DHE PROCEDURAVE PËR KONTRAKTIMIN E OSHC-VE NË OFRIMIN E SHËRBIMEVE PUBLIKE
47	SHTOJCA IV. ZBATIMI I OBJEKTIVIT STRATEGJIK 4: RRITJA E VULLNETARIZMIT PËR PROGRAMET ME INTERES PUBLIK

I. PËRMBLEDHJE EKZEKUTIVE

Qëllimi i këtij raporti është të vë në pah të arriturat kryesore, ngecjet dhe sfidat në zbatimin e Strategjisë Qeveritare për Bashkëpunim me Shoqërinë Civile 2019-2023¹ (tutje referuar si Strategjia) gjatë vitit 2022. Ofrimi i një pasqyre të zbatimit të planit të punës të Strategjisë bëhet duke analizuar zbatimin e aktiviteteve specifike nga ana e institucioneve përgjegjëse gjatë vitit 2022, dhe duke dhënë rekomandimet përkatëse nga këndvështrimi i Sekretariatit të CiviKos. Raporti është përgatitur nga Sekretariati i Platforma CiviKos, me mbështetje të Programit për Angazhim Qytetar (CEA), një partneritet ndërmjet Fondacionit Kosovar për Shoqëri Civile (KCSF) dhe USAID në Kosovë.

Viti 2022 karakterizohet me disa aktivitete të realizuara në drejtim të rritjes së bashkëpunimit ndërmjet shoqërisë civile dhe institucioneve publike. Këto aktivitete janë paraparë që të zhvillohen në kuadër të Strategjisë, të ndara sipas objektivave strategjike dhe objektivave specifike. Ndër të arriturat kryesore të evidentuara nga monitorimi i zbatimit të Strategjisë për vitin 2022 është fillimisht përgatitja e dokumenteve nga ana e ekspertëve të angazhuar nga Platforma CiviKos në lidhje me kontraktimin e shërbimeve të ofruara nga OShC-të, të cilat kanë ndikuar në zbatimin e plotë të aktivitetit “Finalizimi i vlerësimit të nevojave për ofrimin e shërbimeve nga OShC-të”. Më pas përgatitja e Qarkores për zbatimin e Rregullores për Financimin Publik të OJQ-ve, nga ana e Ministrisë së Financave, Punës dhe Transfereve, e cila ka ndikuar në zbatimin e plotë të aktivitetit “Rritja e rolit mbikëqyrës të MF-së në zbatimin e Rregullores”. Si dhe fillimi i përgatitjes së hulumtimit nga KCSF dhe TOKA në lidhje me vullnetarizmin në Kosovë i cili do të japë rekomandime mbi përmirësimin e vullnetarizmit në Kosovë e rrjedhimisht do të ndikojë në zbatimin e aktivitetit “Hartimi i koncept dokumentit mbi vullnetarizmin”.

Ngecjet kryesore në lidhje me zbatimin e Strategjisë janë në aktivitetet që ndërlidhen me rritjen e kapaciteteve të OShC-ve për procesin e konsultimeve publike, pastaj aktivitetet që ndërlidhen me rregullimin e fushës së filantropisë, me krijimin e mekanizmave dhe standardeve për bashkëfinancimin e projekteve të OShC-ve, dhe krijimin e regjistrit elektronik të pronave shtetërore të dhëna në shfrytëzim për OShC-të. Gjithashtu, sfidues mbetet zhvillimi i kornizës ligjore për kontraktimin e shërbimeve nga OShC-të dhe hartimi i udhëzuesit për kontraktimin e shërbimeve bazuar në kornizën ligjore, krijimi i databazës së organizatave që ofrojnë shërbime dhe rregullimi i aktiviteteve ekonomike të OShC-ve. Rregullimi i fushës së vullnetarizmit mbetet po ashtu sfidues, duke përfshirë këtu hartimin dhe aprovimin e koncept dokumentit për vullnetarizmin dhe implementimin e rekomandimeve të tij, më pas lansimi i skemës së granteve për zhvillimin e kapaciteteve për OShC-të për këtë fushë, përgatitja e manualit për rekrutimin dhe menaxhimin e vullnetarëve, zhvillimi i fushatës për rritjen e njohurive për vullnetarizmin dhe përmirësimi i mëtutjeshëm i regjistrit online për vullnetarët.

Ndër sfidat kryesore të identifikuar që kanë ndikuar në moszbatimin e Strategjisë janë riformatimi i Qeverisë, si dhe ndërrimi i shpeshtë i sekretarëve të përgjithshëm të ministrive dhe mospjesëmarrja e tyre në takimet e Këshillit. Aktivizimi jo i madh i Këshillit në procesin e zbatimit të Strategjisë dhe lëvizjet e shpeshta të anëtarëve të OShC-ve të zgjedhur në Këshill janë po ashtu sfida të cilat e kanë afektuar këtë proces. Një sfidë tjetër e cila ka ndikuar në moszbatim të aktiviteteve ishte edhe mungesa e ndarjes së mjeteve buxhetore për aktivitetet e planifikuara me Strategji e po ashtu edhe mungesa e kapaciteteve njerëzore të Zyrës për Qeverisje të Mirë.

Rekomandimet kryesore të dala nga ky raport janë: Aktivizimi më i madh i institucioneve përgjegjëse në zbatimin e aktiviteteve të Strategjisë; Pjesëmarrja më e madhe e sekretarëve të përgjithshëm të ministrive në takimet e Këshillit ose delegimi i zyrtarëve të njëjtë për pjesëmarrje në këto takime; Rritja e funksionalitetit të anëtarëve të Këshillit në kryerjen e punëve dhe përgjegjësi në zbatimin e Strategjisë; Ndarja e buxhetit nga ana e Qeverisë për zbatimin e aktiviteteve të Strategjisë; dhe Rritja e kapaciteteve njerëzore të ZQM-së.

¹ http://www.civikos.net/repository/docs/Strategy_Albanian_815880.pdf

HYRJE

Strategjia Qeveritare për Bashkëpunim me Shoqërinë Civile 2019-2023 përbëhet nga 4 objektiva strategjike të cilat janë të ndara në 14 objektiva specifike dhe 48 aktivitete. Objektivi strategjik 1 **“Rritja e pjesëmarrjes së shoqërisë civile në politikë-bërje”** përmbanë 13 aktivitete të cilat janë të ndara në 3 objektiva specifike. Objektivi strategjik 2 **“Përmirësimi i kornizës institucionale dhe ligjore për financim në zhvillimin e qëndrueshëm të programeve dhe projekteve të OShC-ve me interes publik”** përmbanë 20 aktivitete të ndara në 4 objektiva specifike. Objektivi strategjik 3 **“Zhvillimi i praktikave dhe procedurave për kontraktimin e OShC-ve në ofrimin e shërbimeve publike”** përmbanë 9 aktivitete të ndara në 4 objektiva specifike. Objektivi strategjik 4 **“Rritja e vullnetarizmit për programet me interes publik”** përmbanë 6 aktivitete të ndara në 3 objektiva specifike.

Strategjia i priorizon fushat në të cilat duhet të ndërmerren aktivitetet nga ana e institucioneve me qëllim të krijimit të një mjedisi më të përshtatshëm për zhvillimin e shoqërisë civile dhe fuqizimin e bashkëpunimit ndërmjet shoqërisë civile dhe qeverisë. Rrjedhimisht qytetari i ofrohet mundësi që të jetë pjesë e proceseve vendimmarrëse, pastaj transparencë në procesin e financimit publik të OShC-ve, sistem të ndërtuar të ofrimit të shërbimeve dhe mjedisi i përshtatshëm i zhvillimit të punës vullnetare. Moszbatimi i aktiviteteve të Strategjisë rezultojnë në mungesë transparence dhe mospjesëmarrje të qytetarit e rrjedhimisht shoqërisë civile në proceset më të rëndësishme të cilat e afektojnë jetën e secilit qytetar. Monitorimi i zbatimit të Strategjisë përveç që jep një pasqyrë të qartë të aktiviteteve që janë realizuar deri më tani, identifikon edhe aktivitetet që nuk janë zbatuar. Duke qenë se raporti paraprakisht konsultohet me Këshillin për Bashkëpunim Shoqëri Civile-Qeveri dhe me institucionet përgjegjëse, efekti i tij reflektohet në drejtim të rritjes së zbatimit të Strategjisë. Pra, raporti jep një pasqyrë të progresit të zbatimit të Strategjisë për institucionet, shoqërinë civile dhe qytetarin në përgjithësi dhe jep rekomandimet për rritjen e zbatimit të saj.

Platforma CiviKos ka realizuar monitorimin e zbatimit të Strategjisë, për vitin 2022. Sipas të dhënave në dispozicion, gjatë vitit 2022 nuk vërehen arritje të mëdha në zbatimin e aktiviteteve të parapara në kuadër të objektivave të Strategjisë. Arritja më e madhe vërehet në objektivën e tretë ku tashmë një aktivitet është realizuar në tërësi dhe kjo si rezultat i përgatitjes së dokumenteve nga ana e ekspertëve të angazhuar nga Platforma CiviKos në lidhje me fushën e kontraktimit të shërbimeve të ofruara nga OShC-të:

- “Hartëzimi dhe Sfidat e Organizatave të Shoqërisë Civile në Ofrimin e Shërbimeve Sociale dhe Familjare në Kosovë”;²
- “Korniza Ligjore në Republikën e Kosovës Lidhur me Kontraktimin e Shërbimeve nga OJQ-të”;³
- “Dokument i Politikave Lidhur me Kontraktimin e Shërbimeve nga OShC-të”.⁴

Në kuadër të këtij projekti janë realizuar edhe takime me përfaqësues të organizatave të shoqërisë civile të zgjedhur në Këshillin për Bashkëpunim të Qeverisë me Shoqërinë Civile si dhe me përfaqësues të organizatave tjera që nuk janë pjesë e Këshillit. Pra, këto dokumente paraqesin gjendjen aktuale në fushën e kontraktimit të shërbimeve, duke identifikuar sfidat dhe nevojat e OShC-ve që ofrojnë shërbime, pastaj informata mbi legjislacionin në fuqi në Kosovë për këtë fushë dhe rekomandime konkrete për veprimet ligjore që duhet të ndërmerren për rregullimin e kontraktimit të shërbimeve nga OShC-të.

Një e arritur tjetër vërehet në kuadër të objektivit të dytë, ku Ministria e Financave, Punës dhe Transfereve

2 http://www.civikos.net/repository/docs/Mapping_publication_alb_712063.pdf

3 http://www.civikos.net/repository/docs/KORNIZA_LIGJORE_alb_85992.pdf

4 http://www.civikos.net/repository/docs/DOKUMENT_I_POLITIKAVE_LIDHUR_ME_KONTRAKTIMIN_E_SHËRBIMEVE_NGA_OSHC-të_161605.pdf

ka hartuar dhe dërguar tek institucionet Qarkore për zbatimin e Rregullores për Financimin Publik të OJQ-ve. Kjo qarkore është e rëndësishme sepse jep udhëzime të qarta për institucionet për zbatim të rregullores dhe si e tillë ndikon në zbatim më të madh dhe më të drejtë të kritereve të rregullores. Rrjedhimisht, sigurohet transparencë më e madhe në procesin e financimit publik të OShC-ve.

Po ashtu, gjatë vitit 2022 KCSF së bashku me organizatën TOKA kanë filluar zhvillimin e një hulumtimi rreth vullnetarizmit në Kosovë, i cili ka për qëllim që të nxjerrë rekomandime dhe zgjidhje konkrete mbi përmirësimin e ekosistemit të vullnetarizmit në Kosovë. Aktivitetet tjera gjatë vitit 2022 të realizuara në kuadër të Strategjisë ishin kryesisht vazhdimësi e aktiviteteve të kaluara. Për detaje rreth progresit të zbatimit të Strategjisë deri në vitin 2022, shih infografikën e mëposhtme.



Infografika 1: Progresi i zbatimit të Strategjisë

METODOLOGJIA

Ky raport paraqet një përmbledhje të monitorimit të zbatimit të Strategjisë Qeveritare për Bashkëpunim me Shoqërinë Civile 2019-2023. Platforma CiviKos, gjatë vitit 2022 kishte publikuar raportin e parë të monitorimit të zbatimit të **Strategjisë Qeveritare për Bashkëpunim me Shoqërinë Civile 2019-2023**. Duke qenë se monitorimi i zbatimit për këtë Strategji nga CiviKos është bërë për herë të parë në vitin 2022, si periudhë e monitorimit në raportin e parë është marrë periudha 2019-2021. Pra, është përfshirë monitorimi i zbatimit të të gjitha aktiviteteve prej vitit 2019 e deri në vitin 2021, duke u bazuar në Planin e Veprimit për Implementimin e Strategjisë për Periudhën 2019-2021.

Metodologjia e raportit fokusohet edhe në matjen e rëndësisë që kanë aktivitetet e parapara brenda secilës prej objektivave, që nënkupton se përveç analizimit të shkallës së realizimit për secilin aktivitet brenda objektivit, është analizuar edhe pesha apo rëndësia e tyre në zbatimin e objektivit. Kjo metodologji është përdorur duke pasur parasysh faktin se jo të gjitha aktivitetet e kanë efektin e njëjtë, pasi disa prej tyre përfshijnë zhvillimin e legjislacionit, krijimin e sistemeve apo mekanizmave të ndryshëm ndërsa disa prej aktiviteteve janë më shumë të natyrës teknike dhe efekti i tyre është i ndryshëm në aspektin e implementimit të objektivave. Më konkretisht, aktivitetet e planifikuara në kuadër të Objektivit 1 janë kryesisht të natyrës teknike, ndërkohë që Objektivit 2 përmban disa aktivitete të natyrës teknike dhe një pjesë tjetër që përfshin përmirësim të kornizës ligjore dhe institucionale. Aktivitetet e planifikuara në kuadër të Objektivit 3 dhe Objektivit 4 përfshijnë kryesisht krijimin e kornizës ligjore dhe dokumente tjera relevante.

Për realizimin e monitorimit të zbatimit të Strategjisë, të dhënat fillimisht janë mbledhur përmes raporteve zyrtare dhe dokumenteve tjera mbështetëse të përgatitura nga Zyra për Qeverisje të Mirë (ZQM) dhe pastaj janë analizuar dhe krahasuar me të dhënat tjera, duke u bazuar në informatat e publikuara në ueb faqet e institucioneve relevante dhe në platformat ekzistuese. Të gjeturat e këtij raporti më pas janë konsultuar me anëtarët e shoqërisë civile të zgjedhur në Këshillin për Bashkëpunim të Qeverisë me Shoqërinë Civile, respektivisht koordinatorët e ekipeve të punës, me koordinatorët e grupeve tematike të themeluara nga Platforma CiviKos⁵, si dhe me qëllim të validimit të të gjeturave, raporti është konsultuar me zyrtarë nga Zyra për Qeverisje të Mirë.

Bazuar në të dhënat e mbledhura për këtë monitorim, progresi i zbatimit të aktiviteteve është kategorizuar si vijon: aktivitetet plotësisht të zbatuara, aktivitetet pjesërisht të zbatuara, aktivitetet në proces të zbatimit dhe aktivitetet e pazbatuara. Si aktivitete të zbatuara plotësisht janë aktivitetet të cilat kanë arritur të zbatohen konform numrit të indikatorëve të përcaktuar me Plan të Veprimit të Strategjisë. Aktivitetet pjesërisht të zbatuara janë aktivitetet të cilat nga ana e institucioneve konsiderohen si të zbatuara plotësisht, mirëpo kur krahasohen aktivitetet e realizuara me numrin e indikatorëve të përcaktuar sipas Planit të Veprimit të Strategjisë, atëherë del se këto aktivitete janë zbatuar në nivel më të ulët se numri i indikatorëve të përcaktuar. Aktivitetet në proces të zbatimit janë aktivitetet për të cilat institucionet kanë raportuar seka filluar implementimi dhe ende është duke u punuar në finalizim të tyre. Aktivitetet e pazbatuara janë aktivitetet për zbatimin e të cilave ende nuk është marrë asnjë iniciativë nga ana e institucioneve përgjegjëse.

5 Grupet tematike janë themeluar bazuar në katër objektivat Strategjike të Strategjisë Qeveritare për Bashkëpunim me Shoqërinë Civile 2019-2023, në kuadër të Programit për Angazhim Qytetar (CEA), një partneritet ndërmjet Fondacionit Kosovar për Shoqëri Civile (KCSF) dhe USAID në Kosovë.

I. STRATEGJIA QEVERITARE PËR BASHKËPUNIM MË SHOQËRINË CIVILE 2019-2023 DHE ZBATIMI I SAJ GJATË VITIT 2022

Qëllimi kryesor i Strategjisë Qeveritare për Bashkëpunim me Shoqërinë Civile 2019-2023 është krijimi i një mjedisi më të përshtatshëm për zhvillimin e shoqërisë civile e rrjedhimisht rritja e bashkëpunimit ndërmjet shoqërisë civile dhe qeverisë. Objektivat strategjike të kësaj Strategjie janë hartuar si rezultat i problemeve të identifikuar bazuar në vlerësimin e shkaqeve bazë.

Strategjia qeveritare për bashkëpunim me Shoqërinë Civile 2019-2023 është përgatitur nga Ekipi i Punës i themeluar nga Zyra e Kryeministrit, me përfaqësues të qeverisë dhe shoqërisë civile, me mbështetje profesionale nga Zyra për Qeverisje të Mirë dhe Projekti i Asistencës Teknike i BE-së “Mbështetje për Zbatimin e Strategjisë së Qeverisë për Bashkëpunim me Shoqërinë Civile”. Ekipi i Punës (EP) për hartimin e Strategjisë është themeluar me vendimin e datës 12 korrik 2017, nga Sekretari i Përgjithshëm i ZKM-së para se të skadonte Strategjia e paraprake (2013-2017). Me qëllim të sigurimit të kontributit sa më të gjerë nga OSHC-të dhe palët e tjera, janë zhvilluar takime konsultative në 5 rajone - Mitrovicë, Pejë, Prishtinë, Prizren dhe Gjiçan, në tetor dhe nëntor 2018. Paralelisht, Strategjia dhe teksti i Planit të Veprimit janë vënë në dispozicion për konsultim për të gjithë qytetarët e interesuar në Platformën Online për konsultime publike (konsultime.rks-gov.net) duke filluar nga data 4 tetor deri me 9 nëntor (34 ditë). Pas përfundimit të procesit të konsultimit publik, Ekipi i Punës është takuar dhe i ka analizuar e diskutuar të gjitha kontributet e pranuar nga procesi i konsultimit për ta finalizuar draftin e fundit që është përcjellë për miratim në Qeveri.⁶

Gjatë vitit 2022 janë ndërmarrë disa aktivitete nga ana e institucioneve përgjegjëse, duke ndikuar në progresin e zbatimit të objektivave të Strategjisë. Sa i përket nivelit të zbatueshmërisë së aktiviteteve të secilës prej objektivave, përveç objektivit 4 i cili nuk karakterizohet me asnjë aktivitet të zbatuar plotësisht, tri objektivat tjera tashmë karakterizohen me aktivitete të zbatuara plotësisht. Zhvillimi më i madh vërehet te objektivi 3, në kuadër të të cilit tek në vitin 2022 një aktivitet është arritur që të zbatohet plotësisht.



Infografika 2: Zbatimi i përgjithshëm i Strategjisë

6 <https://zqm.rks-gov.net/assets/cms/uploads/files/Strategjia%20ne%20tri%20guhe.pdf>

I.1. Zbatimi i Objektivit Strategjik 1: Rritja e pjesëmarrjes së shoqërisë civile në politikë-bërje

Gjatë hartimit të Strategjisë, si problem kryesor i identifikuar në fushën e politikë-bërjes ishte mungesa e pjesëmarrjes adekuate të OShC-ve në formulimin e politikave dhe legjislacionit. Si rezultat, është definuar objektivi strategjik që synon rritjen e pjesëmarrjes së shoqërisë civile në politikë-bërje.

Bazuar në të dhënat në dispozicion, gjatë vitit 2022 nuk vërehen ndryshime substanciale në zbatimin e aktiviteteve të këtij objekti. Gjatë vitit 2022 nga gjithsej **13 aktivitetet e planifikuara, 8 aktivitete janë zbatuar plotësisht, 1 është pjesërisht i zbatuar, 2 janë në proces të zbatimit** ndërsa **2 nuk janë zbatuar fare**. Më konkretisht, **mbi 61 përqind e aktiviteteve janë zbatuar plotësisht, mbi 7 përqind janë pjesërisht të zbatuara, mbi 15 përqind janë në proces të zbatimit**, ndërsa **mbi 15 përqind nuk janë zbatuar**. Aktivitetet e planifikuara në kuadër të këtij objekti janë kryesisht të natyrës teknike si trajnime, sesione informuese, takime koordinuese dhe si i tillë objektivi nuk përmban ndonjë aktivitet që do të përfshinte krijim të kornizës ligjore.

Ky objektivi strategjik përmbanë 3 objektiva specifike me 13 aktivitete.

Objektivi i parë specifik parashih përmirësimin e kapaciteteve të institucioneve për zbatimin e standardeve minimale për konsultimet publike. Aktivitetet e planifikuara në kuadër të këtij objekti janë:

- 1.1.1. Ofrimi i njohurive mbi Rregulloren për standardet minimale për konsultime me publikun;*
- 1.1.2. Vendosja e rregullave dhe standardeve për konsultimet me publikun në nivel lokal;*
- 1.1.3. Ofrimi i një Programi trajnues për institucionet qeveritare qendrore dhe lokale për metodat e përfshirjes së OShC-ve në hartimin e politikave;*
- 1.1.4. Avancimi dhe rritja e përdorimit të Platformës Online për konsultime me publikun;*
- 1.1.5. Ofrimi i trajnimeve në vendin e punës për ministritë e përzgjedhura në përgatitjen e raporteve mbi rezultatet e konsultimeve publike;*
- 1.1.6. Organizimi i sesioneve informuese praktike për shfrytëzimin efektiv të Platformës Online ;*
- 1.1.7. Organizimi i takimeve koordinuese për ministritë dhe zyrat e kryeministrit;*
- 1.1.8. Publikimi i raporteve vjetore të monitorimit mbi zbatimin e standardeve minimale për konsultime me publikun në nivel qendror dhe lokal;*
- 1.1.9. Publikimi i praktikave më të mira të konsultimit me institucionet shtetërore dhe komunitat;*
- 1.1.10. Rekrutimi i një zyrtari për koordinimin e procesit të konsultimeve me publikun.*

Në kuadër të aktivitetit të parë të këtij objekti specifik, sipas Planit të Veprimit ishte paraparë që të publikohej raporti i trajnimeve të mbajtura për ofrimin e njohurive mbi Platformën për standardet minimale për konsultime me publikun. Në raportin e monitorimit për periudhën 2019-2021, Platforma CiviKos kishte evidentuar se raporti për trajnimet për vitin 2020 nuk ishte publikuar nga IKAP. Si rezultat, gjatë vitit 2022 IKAP ka publikuar raportin për trajnimet për vitin 2020.

Gjatë vitit 2022, Platforma online për konsultimin publik është avancuar duke lehtësuar qasjen në dokumentet në konsultim publik për personat me nevoja të veçanta. Më konkretisht, ka filluar publikimi i videove të cilat përmbajnë përmbledhjen e dokumenteve për personat e shurdhër, me vështirësi në të dëgjuar dhe personat e verbër. Gjithsesi, ky është aktivitet shtesë i realizuar pasi nuk ka qenë specifikisht i planifikuar në kuadër të aktivitetit që përfshin avancimin e platformës.

Sfidë në implementimin e këtij objekti specifik mbetet rekrutimi i zyrtarit për koordinimin e procesit të konsultimeve me publikun dhe publikimi i praktikave më të mira të konsultimit publik me institucionet

qendrore dhe komunat.

Objektivi i dytë specifik parasheh ngritjen e njohurive të qytetarëve dhe shoqërisë civile për konsultimet publike. Aktivitetet e planifikuara në kuadër të këtij objekti janë:

1.2.1. Zhvillimi dhe zbatimi i një strategjie të komunikimit me publikun për Platformën Online dhe standardet për konsultimet me publikun;

1.2.2. Zhvillimi i një fushate për ngritjen e vetëdijes për standardet e konsultimit me publikun.

Në kuadër të këtij objekti specifik, sfida mbetet publikimi i Strategjisë së komunikimit me publikun mbi Platformën online dhe standardet e konsultimeve publike, pasi një dokument i tillë tashmë është përgatitur.

Objektivi i tretë specifik parasheh përmirësimin e kapaciteteve të OShC-ve për të kontribuar në procesin e konsultimeve publike. Aktiviteti i planifikuar në kuadër të këtij objekti është:

1.3.1. Mbajtja e sesioneve informuese për rritjen e kapaciteteve të OShC-ve për të kontribuar në procesin e konsultimeve publike.

Duke qenë se as gjatë vitit 2022 asnjë nga sesionet informuese për rritjen e kapaciteteve të OShC-ve për të kontribuar në procesin e konsultimit publik nuk janë mbajtur, sfida në implementimin e aktiviteteve të këtij objekti vazhdon të mbetet mbajtja e këtyre sesioneve. Sesionet informuese do të rezultojnë në përgatitje më të madhe të organizatave që e përcjellin procesin e konsultimeve publike e rrjedhimisht përmirësim të këtij procesi.

Objektiva 1
RRITJA E PJESËMARRJES SË SHOQËRISË CIVILE NË POLITIKË-BËRJE



Infografika 3: Zbatimi i aktiviteteve në kuadër të Objektivit 1

I.2. Zbatimi i Objektivit Strategjik 2: Përmirësimi i kornizës institucionale dhe ligjore për financim në zhvillimin e qëndrueshëm të programeve dhe projekteve të OShC-ve me interes publik

Si problem kryesor i identifikuar në fushën e financimit publik ishte se financimi direkt dhe indirekt i OShC-ve ende nuk është operacional. Si rezultat, është definuar objektivi strategjik që synon përmirësimin e kornizës institucionale dhe ligjore për financimin publik të OShC-ve.

Bazuar në të dhënat në dispozicion, nga gjithsej **20 aktivitetet e planifikuara, 8 aktivitete janë zbatuar plotësisht, 1 aktivitet është pjesërisht i zbatuar, 1 është në proces të zbatimit** ndërsa **10 nuk janë zbatuar fare**. Më konkretisht, **40 përqind e aktiviteteve janë zbatuar plotësisht, 5 përqind janë pjesërisht të zbatuara, 5 përqind janë në proces të zbatimit** ndërsa **50 përqind prej tyre nuk janë zbatuar**. Nëse analizohet për nga pesha e rëndësisë që ka moszbatimi i aktiviteteve të lartcekura, atëherë mund të kuptohet se edhe përkundër që janë bërë përmirësime të dukshme në financimin publik të OShC-ve, janë dy fusha të rëndësishme brenda këtij objekti në të cilat nuk është shënuar progres. Pra, kemi të bëjmë me krijim të kornizës ligjore dhe mekanizma të zbatimit, që krahasuar me aktivitetet që janë më shumë të natyrës teknike si: trajnime, sesione informuese, takime etj., kanë peshë më të madhe në aspektin e bashkëpunimit shoqëri civile-qeveri.

Ndonëse sipas Planit të Veprimit të Strategjisë ishte paraparë të rishikohet korniza ligjore dhe të krijoheshin mekanizmat institucional për zhvillimin e filantropisë, aktivitete të tilla nuk janë ndërmarrë as gjatë vitit 2022. Gjithashtu, ishte paraparë krijimi i mekanizmit financues, vendosja e standardeve, procedurave dhe mekanizmave institucional për bashkëfinancimin e projekteve të OShC-ve të mbështetura nga BE-ja dhe aktivitete tjera që ndërlidhen me rregullimin e kësaj fushe, mirëpo gjatë kësaj periudhe këto aktivitete nuk janë ndërmarrë.

Ky objektivi strategjik përmbanë 4 objektiva specifike me 20 aktivitete.

Objektivi i parë specifik parasheh fuqizimin e kapaciteteve të ministrive dhe komunave për zbatimin e standardeve për financimin publik të OShC-ve. Aktivitetet e planifikuara në kuadër të këtij objekti janë:

- 2.1.1. *Zhvillimi i programit trajnues për ministrinë dhe komunat për zbatimin e Rregullores dhe për vlerësimin e propozimeve të projekteve dhe programeve të OShC-ve për ministrinë dhe komunat;*
- 2.1.2. *Ofrimi i trajnimeve në vend të punës dhe mentorimi (duke përfshirë edhe rolin mbikëqyrës) për ministrinë dhe komunat në përgatitjen dhe zbatimin e thirrjeve për financim publik të projekteve dhe programeve të OShC-ve;*
- 2.1.3. *Organizimi i takimeve bashkërenduese për ZKM, ministrinë dhe komunat për planifikimin e përbashkët dhe raportimin për financimin publik të OShC-ve;*
- 2.1.4. *Publikimi i raporteve vjetore për financimin publik të OShC-ve në Kosovë;*
- 2.1.5. *Përmirësimi i bazës qendrore të të dhënave për financimin publik të OShC-ve në Kosovë;*
- 2.1.6. *Rishikimi i Manualit për zbatimin e Rregullores për Financimin Publik të OShC-ve;*
- 2.1.7. *Rritja e rolit mbikëqyrës të MF-së në zbatimin e Rregullores;*
- 2.1.8. *Rritja e rolit mbikëqyrës të MF-së në zbatimin e Rregullores.*

Ndër të arriturat kryesore që e karakterizon zbatimin e Strategjisë për vitin 2022 është aktiviteti që ndërlidhet me rritjen e rolit mbikëqyrës të Ministrisë së Financave në zbatimin e Rregullores për Financimin Publik të OJQ-ve në kuadër të të cilit ishte paraparë që MF të dërgonte tek ministrinë dhe komunat një letër qarkore për zbatimin e Rregullores për Financimin Publik të OJQ-ve. Platforma CiviKos, në raportin paraprak të periudhës 2019-2021 e pati evidentuar si aktivitet pjesërisht të zbatuar pasi, edhe pse sipas raportimit nga institucionet, Departamenti i Buxhetit (MF) gjatë komunikimit me Organizata Buxhetore vazhdimisht kërkon të zbatohet Rregullorja për Financimin e OJQ-ve, nuk ka

pasur të dhëna se një dokument i tillë është përgatitur dhe dërguar nga Ministria tek institucionet. Pas ngritjes së kësaj çështjeje në mbledhjen e fundit të Këshillit, nga ana e koordinаторit të Ekipit 2 të Këshillit (duke u bazuar në raportin e kaluar të monitorimit të zbatimit të Strategjisë nga CiviKos) Ministria e Financave, Punës dhe Transfereve në dhjetor të vitit 2022 ka përgatitur një qarkore të cilën fillimisht e ka ndarë për komente me OJQ-të dhe më pas e ka dërguar tek institucionet. Rrjedhimisht, tani ky aktivitet konsiderohet si plotësisht i zbatuar. Nëpërmjet kësaj qarkoreje jepen udhëzime të qarta për institucionet për zbatim të Rregullores për Financimin Publik të OJQ-ve, dhe si e tillë qarkorja ndikon në zbatim më të madh dhe më të drejtë të kriterëve të rregullores. Rrjedhimisht, sigurohet transparencë më e madhe në procesin e financimit publik të OJQ-ve.

Po ashtu, sipas të dhënave, gjatë vitit 2022 janë bërë disa ndryshime në Platformën Qendrore për Financimin Publik të OJQ-ve, duke mundësuar raportimin për financimin publik të OJQ-ve direkt në platformë si dhe publikimin e të dhënave për fondet e donatorëve ndërkombëtarë për OJQ-të. Në të kaluarën, Zyra për Qeverisje të Mirë, mbledhjen e të dhënave për fondet publike e ka bërë duke iu drejtuar me kërkesë organizatave buxhetore që të përgatisin raportet mbi financimin publik të OShC-ve si dhe ka përdorur bazën e të dhënave të ofruara nga Departamenti i Thesarit në Ministrinë e Financave, si institucion që e bën menaxhimin e ekzekutimit të mjeteve nga organizatat buxhetore. Megjithatë, sfidë në këtë drejtim mbetet specifikimi i mjeteve që janë dhënë për OJQ-të, duke e bërë dallimin e mjeteve që janë dhënë për grante dhe atyre që janë dhënë për subvencione. Kjo pasi një pjesë e tyre jepen si grante për OShC-të ndërkohë që një pjesë tjetër e mjeteve jepen për kontraktim të shërbimeve nga OShC-të, pra jepen për shërbime (sociale, familjare, kujdes shëndetësor etj.) të cilat institucionet janë përgjegjëse për t'i ofruar, por që në mungesë të kapaciteteve e bëjnë kontraktimin e OShC-ve për të ofruar këto shërbimeve. Po ashtu, ekzistojnë entitete të shumta si p.sh klubet sportive të cilat kontraktohen nga institucionet për ofrimin e shërbimeve të caktuara. Publikimi i të dhënave në të njëjtin vend po e krijon përshtypjen se të gjitha mjetet janë dhënë në formë të granteve për OShC-të. Specifikim më i qartë duhet të bëhet edhe në paraqitjen e të dhënave për burimin e financimit të OJQ-ve.

Sfidë/ngecje në implementimin e këtij objekti mbetet organizimi i të gjitha trajnimeve në vend të punës dhe mentorimit për institucionet për përgatitjen dhe zbatimin e thirrjeve për financim publik të projekteve të OShC-ve. Po ashtu sfidues mbetet rishikimi i Manualit për zbatimin e Rregullores për Financimin Publik të OShC-ve.

Objekti i dytë specifik parasheh krijimin e kornizës ligjore dhe institucionale për zhvillimin e filantropisë individuale dhe të korporatave. Aktivitetet e planifikuara në kuadër të këtij objekti janë:

- 2.2.1. *Rishikimi i kornizës ligjore e përkufizimit dhe rregullimit të filantropisë (duke përfshirë dhurimet, harmonizimin e fushave të OBP-së);*
- 2.2.2. *Dizajnimi dhe zhvillimi i programit/sistemit trajnues për zyrtarët e tatimit për praktikën vendore dhe ndërkombëtare të administrimit të përfitimeve tatimore për filantropinë individuale dhe të korporatave;*
- 2.2.3. *Krijimi dhe fuqizimi i mekanizmave institucional për zhvillimin e filantropisë individuale dhe të korporatave;*
- 2.2.4. *Fushatat informuese për biznese dhe qytetarë për mundësinë që individët ose korporatat ofrojnë për filantropinë.*

Në prill të vitit 2022 është mbajtur takimi i parë i Forumit joformal të Filantropisë, duke shënuar kështu themelimin e Forumit në kuadër të Programit për Angazhim Qytetar, një përpjekje e përbashkët e KCSF dhe misionit të USAID në Kosovë për të ofruar një platformë që mundëson diskutimin sistematik të çështjeve dhe veprimeve për të sjellë një ekosistem më të favorshëm ligjor dhe praktik për filantropinë në Kosovë. Një analizë e kornizës ligjore dhe rregullative për filantropinë në Kosovë është duke u zhvilluar nga KCSF në bashkëpunim me European Center for not-for-Profit Law, në kuadër të Programit për Angazhim Qytetar. Analiza ka qasje gjithëpërfshirëse dhe shumë-shtresore të pengesave kryesore që pengojnë zhvillimin e filantropisë, ofron praktika krahasuese evropiane dhe propozon zgjidhje specifike për çështjet e identifikuara. Analiza do të shërbejë si bazë për të nisur dialog politikash që

promovon kulturë të dhurimeve individuale për kauza të së mires publike.

Ndonëse sipas planit të veprimit të Strategjisë ishte paraparë të rishikohej korniza ligjore dhe të krijoheshin mekanizmat institucional për zhvillimin e filantropisë, aktivitete të tilla nuk janë ndërmarrë as gjatë vitit 2022. Rrjedhimisht, sfidë mbetet zbatimi i këtyre aktiviteteve pasi moszbatimi i tyre e lë fushën e filantropisë të parregulluar dhe kjo rezulton në stabilitet të ulët në aspektin financiar të OShC-ve.

Objektivi i tretë specifik parasheh rregullimin e ndarjes së pronës publike për shfrytëzim nga OShC-të. Aktivitetet e planifikuara në kuadër të këtij objektivi janë:

- 2.3.1. *Krijimi i standardeve, procedurave, kritereve dhe mekanizmave institucional transparent për rregullimin e dhënies së pronave shtetërore në shërbim të OSHC-ve;*
- 2.3.2. *Dizajnimi dhe zhvillimi i një programi/sistemi trajnues për shërbyesit civil mbi përdorimin e standardeve dhe procedurave për rregullimin e dhënies së pronës publike në shfrytëzim të OSHC-ve;*
- 2.3.3. *Zhvillimi i Regjistrit Elektronik të pronave shtetërore të dhëna në shfrytëzim të OSHC-ve.*

Sfidues në kuadër të këtij objektivi mbetet zhvillimi i Regjistrit Elektronik të pronave shtetërore të dhëna në shfrytëzim të OSHC-ve.

Objektivi i katërt specifik parasheh krijimin e sistemit të bashkëfinancimit për projektet e OShC-ve të financuara nga Bashkimi Evropian. Aktivitetet e planifikuara në kuadër të këtij objektivi janë:

- 2.4.1. *Krijimi i mekanizmit financues në Ministrinë e Integritetit për Bashkëfinancimin e projekteve të financuara nga BE për OSHC-të;*
- 2.4.2. *Krijimi i mekanizmit financues në Ministrinë e Integritetit për Bashkëfinancimin e projekteve të financuara nga BE për OSHC-të;*
- 2.4.3. *Dizajnimi dhe zhvillimi i një programi/sistemi trajnues për shërbyesit civil dhe OSHC-të për përdorimin e standardeve dhe procedurave për bashkëfinancimin e projekteve të OSHC-ve të mbështetura nga BE-ja;*
- 2.4.4. *Mbajtja e sesione informuese për OSHC-të për mundësitë e bashkëfinancimit të projekteve të mbështetura nga BE-ja;*
- 2.4.5. *Mbajtja e sesione informuese për OSHC-të për mundësitë e bashkëfinancimit të projekteve të mbështetura nga BE-ja.*

Sfidë në kuadër të këtij objektivi mbetet implementimi i të gjitha aktiviteteve të planifikuara pasi asnjë prej tyre nuk është implementuar.

Objektiva 2

PËRMIRËSIMI I KORNIZËS INSTITUCIONALE DHE LIGJORE PËR FINANCIM NË ZHVILLIMIN E QËNDRUESHËM TË PROGRAMEVE DHE PROJEKTEVE TË OSHCVE ME INTERES PUBLIK



Infografika 4: Zbatimi i i aktiviteteve në kuadër të Objektivit 2

I. 3. Zbatimi i Objektivit Strategjik 3: Zhvillimi i praktikave dhe procedurave për kontraktimin e OSHC-ve në ofrimin e shërbimeve publike

Problemi kryesor i identifikuar në fushën e ofrimit të shërbimeve ka të bëjë me praktikën e pazhvilluar dhe jo transparente për kontraktimin e OSHC-ve për të ofruar shërbime publike. Si rezultat, është definuar objektivi që synon zhvillimin e praktikave dhe procedurave për kontraktim të OShC-ve në ofrimin e shërbimeve.

Bazuar në të dhënat në dispozicion, nga gjithsej **9 aktivitete të planifikuara**, **1 aktivitet është zbatuar plotësisht**, **2 aktivitete janë në proces të zbatimit**, ndërsa **6 të tjera nuk janë zbatuar fare**. Rrjedhimisht, mbi **33 përqind e aktiviteteve janë në proces të zbatimit**, mbi **11 përqind plotësisht të zbatuara**, ndërsa mbi **66 përqind nuk janë zbatuar**.

Nëse analizohet për nga pesha e rëndësisë që ka moszbatimi i aktiviteteve atëherë mund të kuptohet se janë dy fusha brenda këtij objektivi në të cilat nuk është shënuar progres. Pra, kemi të bëjmë me krijim të kornizës ligjore dhe mekanizma të zbatimit, që krahasuar me aktivitetet që janë më shumë të natyrës teknike si: trajnime, sesione informuese, takime etj., kanë peshë më të madhe në aspektin e bashkëpunimit shoqëri civile-qeveri. Rrjedhimisht, aktivitetet të cilat nuk janë zbatuar deri në periudhën e monitorimit ndërlidhen me pjesën e rregullimit të aktiviteteve ekonomike të OShC-ve dhe legjislacionin që rregullon standardet dhe procedurat për ofrimin e shërbimeve publike nga OSHC-të.

Ky objektivi strategjik përmban 4 objektiva specifike me 9 aktivitete.

Objektivi i parë specifik parasheh përmirësimin e kornizës ligjore dhe institucionale për rregullimin e aktiviteteve ekonomike të OShC-ve. Aktivitetet e planifikuara në kuadër të këtij objektivi janë:

- 3.1.1. *Konsolidimi i kornizës së përgjithshme ligjore, duke përfshirë legjislacionin tatimor, në lidhje me aktivitetet ekonomike të OSHC-ve;*
- 3.1.2. *Përgatitja e Udhëzimeve për zbatimin e kornizës së konsoliduar ligjore me raste studimore;*
- 3.1.3. *Organizimi i sesioneve informuese për shërbyesit civil, duke përfshirë zyrtarët tatimor, për t'i informuar ata për ndryshimet në kornizën ligjore.*

Aktivitetet e parapara në kuadër të këtij objektivi nuk kanë filluar të ndërmerren ende dhe si rezultat sfidë mbetet implementimi i tyre në vitin vijues. Përmes implementimit të këtyre aktiviteteve do të krijohej qartësi më e madhe në atë se si mund t'i zhvillojnë OShC-të aktivitetet ekonomike në mënyrë që përmes tyre të krijojnë stabilitet financiar dhe të mos mbeten në varësi të fondeve nga institucionet apo donatorët tjerë.

Objektivi i dytë specifik parasheh rregullimin e standardeve dhe procedurave për ofrimin e shërbimeve publike nga OShC-të. Aktivitetet e planifikuara në kuadër të këtij objektivi janë:

- 3.2.1. *Finalizimi i vlerësimit të nevojave për ofrimin e shërbimeve publike nga OSHC-të në fusha të ndryshme të punës;*
- 3.2.2. *Dizajnimi dhe zhvillimi i një programi trajnues për shërbyesit civil për të mësuar rreth kornizës ligjore dhe modelet ekzistuese për kontraktimin e OSHC-ve në lidhje me ofrimin e shërbimeve publike;*
- 3.2.3. *Lansimi fushatës për informim publik për OSHC-të rreth mundësive për të ndihmuar qeverinë të ofrojë shërbime publike.*

Përderisa gjatë periudhës 2019-2021 asnjë nga aktivitetet e planifikuara në kuadër të Objektivit Strategjik 3 nuk ishte realizuar në tërësi, në vitin 2022 një gjë e tillë është arritur përmes realizimit të aktivitetit që ndërlidhet me finalizimin e nevojave për ofrimin e shërbimeve nga OShC-të, si pjesë e këtij objektivi specifik. Në këtë vit është punuar në vlerësimin e nevojave për ofrimin e shërbimeve nga OShC-të përmes hartimit të dokumenteve nga ekspertët e angazhuar nga Platforma CiviKos. Më konkretisht, janë përgatitur dokumentet “Hartëzimi dhe Sfidat e Organizatave të Shoqërisë Civile në ofrimin e shërbimeve sociale dhe familjare në Kosovë”; “Dokument i Politikave Lidhur me Kontraktimin

e Shërbimeve nga OSHC-të”; dhe “Korniza Ligjore në Republikën e Kosovës Lidhur me Kontraktimin e Shërbimeve nga OJQ-të”.⁷ Dokumentet paraqesin gjendjen aktuale në fushën e kontraktimit të shërbimeve, duke identifikuar sfidat dhe nevojat e OShC-ve që ofrojnë shërbime, pastaj informata mbi legjislacionin në fuqi në Kosovë për këtë fushë dhe rekomandime konkrete për ndërmarrjen e veprimeve ligjore për rregullimin e kontraktimit të shërbimeve me OShC. Rëndësia e hartimit të tyre qëndron në faktin se kontribuojnë drejtpërdrejt në zbatim të objektivit të tretë, respektivisht aktivitetit “Finalizimi i vlerësimit të nevojave për ofrimin e shërbimeve publike nga OSHC-të në fusha të ndryshme të punës”.

Sfidues në implementimin e plotë të këtij objekti specifik mbeten aktivitetet që ndërlidhen me dizajnimin dhe zhvillimin e programit trajnues në lidhje me kornizën ligjore dhe modelet ekzistuese për kontraktimin e OShC-ve në ofrimin e shërbimeve publike si dhe fushata informuese për OShC-të rreth mundësive për të ndihmuar qeverinë të ofrojë shërbime publike.

Objekti i tretë specifik parasheh mbledhjen dhe publikimin e informacioneve rreth shërbimeve që ofrojnë OShC-të. Aktiviteti i planifikuar në kuadër të këtij objekti është:

3.3.1. Mbledhja dhe publikimi sistematik i informatave mbi potencialin e OShC-ve për të ofruar shërbime publike për institucionet publike.

Aktiviteti i paraparë në kuadër të këtij objekti i cili parasheh krijimin e databazës së OShC-ve që ofrojnë shërbime nuk është implementuar plotësisht dhe si rezultat mbetet sfida për implementim të mëtutjeshëm. Kjo databazë do të shërbente si adresë e veçantë me informata mbi organizatat që ofrojnë shërbime në Kosovë.

Objekti i katërt specifik parasheh përmirësimin e legjislacionit që rregullon standardet dhe procedurat për ofrimin e shërbimeve publike nga OSHC-të. Aktivitetet e planifikuara në kuadër të këtij objekti janë:

3.4.1. Krijimi i standardeve, procedurave dhe kriterëve për rregullimin e ofrimit të shërbimeve publike nga OSHC-të;

3.4.2. Përgatitja e Manuali Online me udhëzime për kontraktimin e OShC-ve për ofrimin e shërbimeve publike, në bazë të kornizës ligjore të ndryshuar.

Sfidues në këtë drejtim mbetet zhvillimi i mëtutjeshëm i kornizës ligjore për ofrimin e shërbimeve nga OShC-të, pasi moszbatimi i këtij aktiviteti rezulton në jostabilitet të organizatave të shoqërisë civile që ofrojnë shërbime dhe kjo afekton qytetarët që janë në nevojë për këto shërbime. Gjithashtu, mbetet edhe përgatitja e Manualit online me udhëzime për kontraktimin e OShC-ve për ofrimin e shërbimeve publike, në bazë të kornizës ligjore të ndryshuar.

⁷ Këto dokumente janë përgatitur nga Platforma CiviKos në kuadër të projektit “Zbutja e ndikimit të pandemisë COVID-19 te OShC-të që ofrojnë shërbime”, në partneritet me European Center for Not for-Profit Law Stichting (ECNL) dhe me Zyrën për Qeverisje të Mirë, si dhe financuar nga Balkan Trust for Democracy, një projekt i Fondit Gjerman Marshall të Shteteve të Bashkuara dhe USAID.

Objektiva 3
ZHVILLIMI I PRAKTIKAVE DHE PROCEDURAVE PËR KONTRAKTIMIN E OSHC-VE
NË OFRIMIN E SHËRBIMEVE PUBLIKE



Infografika 5: Zbatimi i aktiviteteve në kuadër të Objektivit 3

I.4. Zbatimi i Objektivit Strategjik 4: Rritja e vullnetarizmit për programet me interes publik

Problem kryesor i identifikuar për fushën e vullnetarizmit ishte mungesa e vullnetarizmit në programet në interes të publikut. Si rezultat, është definuar objektivi strategjik që synon rritjen e vullnetarizmit për programet me interes publik.

Bazuar në të dhënat në dispozicion, nga gjithsej **6 aktivitete të planifikuara, 3 aktivitete janë në proces të zbatimit** ndërsa **3 të tjera nuk janë zbatuar fare**. Rrjedhimisht, **50 përqind e aktiviteteve janë në proces të zbatimit** ndërsa **50 përqind e aktiviteteve nuk janë zbatuar**. Ky objektivi është objektivi i vetëm në kuadër të të cilit asnjë aktivitet nuk është realizuar në tërësi deri më tani.

Nëse analizohet për nga pesha e rëndësisë që ka moszbatimi i aktiviteteve atëherë mund të kuptohet se edhe gjatë vitit 2022 në kuadër të këtij objektivi mbesin dy fusha në të cilat nuk është shënuar progres. Pra, edhe këtu kemi të bëjmë me krijim të kornizës ligjore dhe mekanizma të zbatimit, që krahasuar me aktivitetet që janë më shumë të natyrës teknike si: trajnime, sesione informuese, takime etj., kanë peshë më të madhe në aspektin e bashkëpunimit shoqëri civile-qeveri. Më konkretisht, aktivitetet e planifikuara ndërlidhen me implementimin e rekomandimeve nga Koncept-dokumenti për vullnetarizmin dhe me lansimin e një skeme të granteve për financimin e aktiviteteve për zhvillimin e kapaciteteve për OSHC-të për menaxhimin efektiv të vullnetarëve.

Ky objektivi strategjik përmbanë 3 objektiva specifike me 6 aktivitete.

Objektivi i parë specifik parasheh krijimin e një kornize gjithëpërfshirëse ligjore dhe institucionale për të ndihmuar në zhvillimin e vullnetarizmit. Aktivitetet e planifikuara në kuadër të këtij objektivi janë:

4.1.1. Hartimi dhe miratimi i Koncept Dokumentit mbi Vullnetarizmin;

4.1.2. Implementimi i rekomandimeve nga Koncept dokumenti.

Bazuar në Planin e Veprimit të Strategjisë, hartimi dhe miratimi i koncept-dokumentit për vullnetarizmin ka qenë i paraparë që të bëhet gjatë periudhës 2019-2023. Një koncept-dokument për vullnetarizmin është përgatitur në vitin 2019, mirëpo nuk është miratuar ende. Rrjedhimisht, aktivitetet tjera të parapara në kuadër të këtij objektivi, që do të duhej të derivonin nga ky dokument, nuk kanë arritur të implementohen. Gjatë vitit 2022, KCSF në kuadër të Programit për Angazhim Qytetar ka filluar studimin fillestar rreth vullnetarizmit në Kosovë cili ka për qëllim të nxjerrë rekomandime dhe zgjidhje konkrete mbi përmirësimin e ekosistemit të vullnetarizmit në Kosovë.

Sfidë në zbatim të këtij objektivi specifik mbetet finalizimi dhe miratimi i koncept-dokumentit dhe më pas implementimi i rekomandimeve.

Objektivi i dytë specifik parasheh zhvillimin e kapaciteteve të OSHC-ve për të rekrutuar, angazhuar dhe menaxhuar vullnetarët. Aktivitetet e planifikuara në kuadër të këtij objektivi janë:

4.2.1. Lansimi i një skeme të granteve për financimin e aktiviteteve për zhvillimin e kapaciteteve për OSHC-të për menaxhimin efektiv të vullnetarëve;

4.2.2. Përgatitja e një Manuali me udhëzime për rekrutimin dhe menaxhimin e vullnetarëve.

Sfidë në zbatim të këtij objektivi specifik mbeten të dy aktivitetet e planifikuara pasi asnjëra nuk është realizuar deri më tani.


Objektivi i katërt specifik parasheh rritjen e ndërgjegjësimit të qytetarëve për mundësitë dhe vlerat e vullnetarizmit. Aktivitetet e planifikuara në kuadër të këtij objektivi janë:

4.3.1. Zhvillimi i një fushate për ngritjen e njohurive për vullnetarizmin dhe rolin e tij në përmirësimin e mirëqenies së publikut;

4.3.2. Përmirësimi i regjistrit Online për vullnetarët e rinj të regjistruar.

Sipas të dhënave dhe informatave nga organizatat që merren me aktivitete në fushën e vullnetarizmit,

platforma online për vullnetarët e rinj të regjistruar⁸ është rifunksionalizuar, megjithatë kjo platformë duhet të mirëmbahet dhe të mundësojë regjistrimin e të gjitha të dhënave të nevojshme që ndërliohen me punën vullnetare. Gjithashtu, sfida mbetet zhvillimi i plotë i fushtës mbi vullnetarizmin.




Infografika 6: Zbatimi i aktiviteteve në kuadër të Objektivit 4

⁸ Platforma Vullnetarët e Kosovës është zhvilluar nga UNICEF Innovations Lab Kosovo me mbështetje të Bashkëpunimit Austriak për Zhvillim (ADC), zyrën e Fondit të Kombeve të Bashkuara për Fëmijë (UNICEF) në Kosovë dhe Peer Educators Network (PEN)

II. PUNA E KËSHILLIT PËR BASHKËPUNIM TË QEVERISË ME SHOQËRINË CIVILE GJATË VITIT 2022⁹

Këshilli për Bashkëpunim të Qeverisë me Shoqërinë Civile (tutje referuar si Këshilli) paraqet mekanizmin kryesor të përhershëm këshillues i cili koordinon gjithë procesin e bashkëpunimit të qeverisë me shoqërinë civile. Këshilli ka për qëllim forcimin e bashkëpunimit të qeverisë me shoqërinë civile, promovimin dhe mbështetjen e forcimit të sektorit të shoqërisë civile dhe sigurimin e koordinimit e monitorimit të zbatimit të Strategjisë Qeveritare për Bashkëpunim me Shoqërinë Civile 2019-2023.



Infografika 7: Përbërja e Këshillit

Gjatë vitit 2022, Këshilli ka mbajtur **4 takime/punëtori**, që njëherit paraqet numrin më të madh të takimeve të mbajtura brenda një viti, që nga themelimi i tij. Në muajin mars, Zyra për Qeverisje të Mirë ka organizuar takim me anëtarët e Këshillit ku nga përfaqësuesi i projektit EU TACSO 3 është bërë prezantimi i gjetjeve nga hulumtimi në zyrë dhe intervistat, prezantimi i parakushteve të nevojshme për funksionimin e sistemit të menaxhimit të performancës, prezantimi i sistemit dhe funksionaliteteve dhe përdorimi i tij. Në muajin qershor është mbajtur punëtori dyditore për të diskutuar rreth funksionimit të Këshillit dhe punuar në hartimin e rregullave të punës të ekipeve të Këshillit. Në muajin korrik, në takimin e Këshillit është diskutuar për progresin e arritur në zbatimin e Strategjisë dhe punën e anëtarëve të Këshillit në këtë drejtim. Në takimin e mbajtur gjatë muajit dhjetor, nga koordinatorët e ekipeve të punës janë prezantuar të arriturat dhe ngeçjet në zbatimin e Strategjisë. Ky raportim është bërë duke u bazuar edhe në raportin e përgatitur nga Platforma CiviKos për periudhën 2019-2021.

Këshilli për Bashkëpunim Shoqëri Civile-Qeveri	2019	2020	2021	2022
Numri i takimeve/punëtorive të mbajtura	3	2	1	4

Tabela 1: Numri i takimeve/punëtorive të Këshillit

⁹ <http://www.civikos.net/sq/anetaret-e-keshillit-2019-2023>

Në kuadër të Këshillit funksionojnë edhe 4 ekipe të punës të cilat janë themeluar për secilën nga objektivat strategjike të Strategjisë. Ekipet përbëhen nga anëtarët e Këshillit, Zyra për Qeverisje të Mirë dhe përfaqësues të institucioneve publike dhe OShC-ve të tjera, fushëveprimi i të cilave përputhet me objektivat përkatëse strategjike. Secila nga këto ekipe e ka të zgjedhur edhe koordinatorin/en (koordinatorët e zgjedhur të ekipeve janë përfaqësues nga shoqëria civile).

Po ashtu, gjatë këtij viti secili nga ekipet e punës e kanë mbajtur nga një takim të rregullt, ku në këto takime është diskutuar për aktivitetet e zbatuara në kuadër të objektivave përkatëse dhe planet e punës për 2023.¹⁰

Zyra për Qeverisje të Mirë në kuadër të Zyrës së Kryeministrit shërben si Sekretariat i Këshillit dhe është në funksion për të zhvilluar dhe mirëmbajtur të gjitha aktivitetet e nevojshme për punën e Këshillit.

Me qëllim që të rritet gjithëpërfshirja e shoqërisë civile në procesin e zbatimit të Strategjisë dhe të mbështetet Këshilli në këtë proces, janë themeluar 4 grupe tematike me anëtarë dhe jo-anëtarë të Këshillit dhe aktivistë të shoqërisë civile, bazuar në katër objektivat strategjike të Strategjisë Qeveritare për Bashkëpunim me Shoqërinë Civile 2019-2023. Këto grupe janë themeluar nga Platforma CiviKos, me mbështetje të Programit për Angazhim Qytetar, një partneritet mes USAID dhe Fondacionit Kosovar për Shoqëri Civile (KCSF). Roli kryesor i përfaqësuesve të shoqërisë civile në këto grupe është që të punojnë në identifikimin e sfidave dhe mangësive kryesore në procesin e zbatimit të Strategjisë, respektivisht problemeve strukturore me të cilat përballen organizatat e shoqërisë civile, dhe në këtë mënyrë të shërbejnë si platformë e cila e fuqizon zërin e shoqërisë civile në Kosovë. Gjatë vitit 2022, janë organizuar nga 4 punëtori për secilin prej grupeve, ku anëtarët gjatë kësaj periudhe kanë punuar në hartimin e rekomandimeve për rritjen e zbatimit të aktiviteteve në kuadër të objektivave përkatëse të Strategjisë, si dhe kanë analizuar aktivitetet dhe zhvillimet lidhur me Strategjinë, duke përfshirë dhënien e komenteve në koncept-dokumentet përkatëse.

10 Në kuadër të Ekipit të tretë (Zhvillimi i praktikave dhe procedurave për kontraktimin e OShC-ve për ofrimin e shërbimeve publike) janë mbajtur edhe tri takime tjera të cilat janë organizuar nga Platforma CiviKos në bashkëpunim me Zyrën për Qeverisje të Mirë, në kuadër të projektit "Zbutja e ndikimit të pandemisë COVID-19 të OShC-të që ofrojnë shërbime", në partneritet me European Center for Not for-Profit Law Stichting (ECNL) dhe me Zyrën për Qeverisje të Mirë, si dhe financuar nga Balkan Trust for Democracy, një projekt i Fondit Gjerman Marshall të Shteteve të Bashkuara dhe USAID.

III. SFIDAT E PËRGJITHSHME NË ZBATIMIN E STRATEGJISË

Zbatimi i Strategjisë Qeveritare për Bashkëpunim me Shoqërinë Civile 2019-2023 është përcjellur me sfida të shumta edhe gjatë vitit 2022, sfida këto të cilat kanë rezultuar në mos ndërmarrjen e aktiviteteve nga ana e institucioneve përgjegjëse për zbatimin e objektivave të Strategjisë. Sfidat e evidentuara mbesin pak a shumë të njëjta pothuajse që nga fillimi i zbatimit të Strategjisë e deri në vitin 2022.

Riformatimi i Qeverisë

Problemi i riformatimit të Qeverisë ka vazhduar të ndikojë procesin e zbatimit të Strategjisë edhe gjatë vitit 2022 pasi ende janë duke u bërë ndryshime në përbërjen e institucioneve, duke ndikuar kështu në paqartësi në aspektin e përgjegjësive në kryerjen e detyrave që ndërlidhen me aktivitetet e Strategjisë. Sipas Planit të Veprimit të Strategjisë, krahas aktiviteteve të definuara, janë përcaktuar institucionet përgjegjëse për zbatim të tyre. Me riformatimin e Qeverisë është bërë shuarja e po ashtu fuzionimi i disa ministrive dhe kjo ka bërë që përgjegjësitë e institucioneve në raport me zbatimin e objektivave të Strategjisë të mos jenë të qarta dhe si rezultat të mos ndërmerren aktivitetet.

Ndërrimi i shpeshtë i Sekretarëve të Ministrive dhe mospjesëmarrja në takimet e Këshillit

Sfida e ndërrimit të sekretarëve si dhe mospjesëmarrjes së tyre në takimet e Këshillit është vërejtur edhe gjatë vitit 2022 gjë që ka vazhduar të vështirësojë kontinuitetin e punës së Këshillit. Sipas vendimit për themelimin e Këshillit, përfaqësuesit e Qeverisë në Këshill emërohen nga institucionet përkatëse, të cilat përfaqësohen në nivel të sekretarëve të përgjithshëm dhe drejtorëve përgjegjës. Duke qenë se sekretarët e përgjithshëm të ministrive janë të emëruar me këtë vendim, pjesëmarrja e sekretarëve në takime të Këshillit është e rëndësishme me qëllim që të merret përgjegjësi në zbatimin e aktiviteteve të parapara në Strategji, rrjedhimisht në adresimin e problemeve që ngrihen në Këshill.

Aktivizimi jo i madh i Këshillit

Ndonëse gjatë vitit 2022 numri i takimeve të mbajtura nga Këshilli është më i madh se çdo vit tjetër, nevojitet aktivizim më i madh i anëtarëve të Këshillit në procesin e përcjelljes së zbatimit të Strategjisë, përmes pjesëmarrjes më të madhe të anëtarëve në këto takime, identifikimit të mangësive në zbatimin e aktiviteteve të Strategjisë dhe avokimit për zbatim të aktiviteteve.

Ekipeve të punës që funksionojnë në kuadër të Këshillit, gjatë vitit 2022, nuk kanë qenë shumë aktive në mbajtjen e takimeve pasi gjatë këtij viti secili ekip ka arritur të mbajë vetëm nga 1 takim të rregullt të anëtarëve. Në anën tjetër, gjatë këtij viti janë organizuar 3 takime të përbashkëta të koordinatoreve të ekipeve të punës. Një prej këtyre takimeve është mbajtur në mes të koordinatoreve të ekipeve të punës dhe sekretarëve të përgjithshëm të ministrive përkatëse.

Numri i takimeve të ekipeve të punës	2019	2020	2021	2022
Ekipi I	1	2	3	1
Ekipi II	1	2	2	1
Ekipi III	1	/	1	1
Ekipi IV	1	/	1	1
Takime të përbashkëta me koordinatorët e ekipeve	/	1	4	3

Tabela 2: Numri i takimeve të ekipeve të punës

Sipas vendimit për themelimin e ekipeve të punës, ndër përgjegjësitë kryesore të anëtarëve të këtyre ekipeve është të identifikojnë **të arriturat dhe sfidat në zbatimin e planeve të punës e më pas t'i propozojnë Këshillit marrjen e masave për zbatim të planeve të punës dhe masa tjera për përmbushjen e mandatit të Këshillit. Takimet e rregullta të ekipeve do të rezultojnë në informim më të gjerë mbi rrjedhën e zbatimit të aktiviteteve, sidomos nga përfaqësuesit e institucioneve në këto ekipe, dhe identifikim më të shpejtë të masave të nevojshme për t'u ndërmarrë nga institucionet.**

Lëvizjet e anëtarëve të OShC-ve të zgjedhur në Këshill

Lëvizja e anëtarëve të OShC-ve të zgjedhur në Këshill ka vazhduar edhe gjatë vitit 2022. Vetëm gjatë këtij viti, 4 anëtarë të Këshillit nga shoqëria civile kanë dhënë dorëheqje, ku më pas janë zhvilluar procedurat për zgjedhjen e anëtarëve të rinj. Disa prej anëtarëve të rinj nuk kanë arritur ende të marrin pjesë në takimet e Këshillit.

Obligimet shtesë të ZQM-së në implementimin e Strategjisë

Zyra për Qeverisje të Mirë edhe gjatë vitit 2022 ka qenë e ngarkuar me aktivitete të shumta në kuadër të zbatimit të Strategjisë, ndërkohë që numri i stafit të angazhuar në këtë zyrë vazhdon të mbetet i njëjtë. Përveç mandatit si Sekretariat i Këshillit dhe obligimeve për koordinimin e aktiviteteve të Këshillit, sipas Planit të Veprimit, ZQM është institucion udhëheqës për implementimin e 15 aktiviteteve në kuadër të katër objektivave të Strategjisë, si dhe si institucion mbështetës për implementimin 11 aktiviteteve në kuadër të objektivave. Për ZQM-në kjo paraqet një barrë mjaft të madhe duke pasur parasysh kufizimet që ka ky institucion në resurset njerëzore.

Mungesa e ndarjes së mjeteve buxhetore për zbatim të aktiviteteve të Strategjisë

Një sfidë tjetër që e haset në procesin e zbatimit të Strategjisë është edhe mosndarja e mjeteve të nevojshme për zbatim të aktiviteteve të Strategjisë. Një prej aktiviteteve që nuk është zbatuar ende e që është rezultat i mungesës së ndarjes së mjeteve është rekrutimi i zyrtarit për koordinimin e procesit të financimit publik të OShC-ve.

Pandemia Covid-19

Ndonëse Pandemia Covid-19 nuk ka qenë shumë prezente gjatë vitit 2022, efektet e saj në aspektin e funksionimit të institucioneve kanë shkaktuar vështirësi, sidomos për institucionet përgjegjëse për zbatimin e masave të pakos së rimëkëmbjes. Duke pasur përgjegjësi shtesë në zbatimin e masave për rimëkëmbje nga Pandemia, institucionet nuk kanë arritur që me kapacitet njerëzore në dispozicion të punojnë në zbatimin e aktiviteteve të Strategjisë.

PËRFUNDIME DHE REKOMANDIME

Ky raport pasqyroj të gjeturat nga monitorimi i implementimit të katër objektivave strategjike të Strategjisë Qeveritare për Bashkëpunim me Shoqërinë Civile 2019-2023 për vitin 2022. Të gjeturat kryesore të raportit tregojnë se gjatë vitit 2022 nuk ka pasur ndryshime të mëdha në zbatueshmërinë e aktiviteteve të parapara në kuadër të Strategjisë. Zhvillime më substanciale vërehen në objektivat që ndërlidhen me financimin publik të OShC-ve dhe me kontraktimin e shërbimeve nga OShC-të pasi është arritur që disa aktivitete të zbatohen plotësisht. Ndërkohë për objektivin që ndërlidhet me pjesëmarrjen e shoqërisë civile në politikë-bërje aktivitetet janë më shumë teknike dhe vazhdimësi e aktiviteteve të mëhershme. Objektivi që vazhdon të mos ketë asnjë aktivitet plotësisht të implementuar është ai që ka të bëjë me vullnetarizmin.

Duke u bazuar në të gjeturat e këtij raporti, rekomandimet për veprim të mëtutjeshëm për rritjen e zbatimit të Strategjisë janë si në vijim:

Rekomandim 1: Institucionet përgjegjëse për zbatim të aktiviteteve të Strategjisë Qeveritare për Bashkëpunim me Shoqërinë Civile 2019-2023 të jenë më aktive në procesin e zbatimit të Strategjisë, pra të marrin përgjegjësi dhe hapa konkret në drejtim të realizimit të objektivave.

Rekomandim 2: Sekretarët e ministrive përgjegjëse për zbatim të aktiviteteve të Strategjisë të marrin pjesë në takimet e rregullta të Këshillit, ose delegimi i anëtarëve të tjerë të bëhet me zyrtarët e njëjtë të cilët kanë kompetencë për vendimmarrje si dhe sigurojnë memorie institucionale.

Rekomandim 3: Të rritet funksionaliteti i Këshillit duke aktivizuar punën e anëtarëve të Këshillit dhe dhënien e përgjegjësisë për moskryerjen e punëve. Ekipet e punës duhet të mbajnë takime më të shpeshta, e po ashtu duhet të rritet pjesëmarrja e anëtarëve të Këshillit dhe ekipeve të punës në takime në mënyrë që të sigurohet monitorimi i zbatimit të aktiviteteve të Strategjisë.

Rekomandim 4: Qeveria e Republikës së Kosovës të ndajë buxhet për zbatim të aktiviteteve të Strategjisë sipas obligimeve të marra me Strategji.

Rekomandim 5: Të rritet kapaciteti i resurseve njerëzore të ZQM-së në mënyrë që të sigurohet zbatimi i aktiviteteve të Strategjisë.

SHTOJCA I. ZBATIMI I OBJEKTIVIT STRATEGJIK 1: RRITJA E PJESËMARRJES SË SHOQËRISË CIVILE NË POLITIKË-BËRJE¹

Objektivi specifik 1.1 Përmirësimi i kapaciteteve të institucioneve për zbatimin e standardeve minimale për konsultimet me publikun					
Aktivitetet	Produkti (Outputi)	Rezultatet (2019-2021): ZQM	CiviKos (2019-2021)	Rezultatet (2022): ZQM	Civikos (2022)
1.1.1 Ofrimi i njohurive mbi Rregulloren për standardet minimale për konsultime me publikun	Tri sesione informuese për ministrinë dhe komunat e përzgjedhura të realizuara Raporti për trajnimet i publikuar	Në dhjetor 2020, ZQM/ZKM në bashkëpunim me IKAP kanë realizuar trajnim për shërbyes civile nga niveli qendror e lokal për konsultimet me publikun dhe platformën online për përfshirje në e publikut në politikë bërje. Në këtë trajnim është prezantuar sistemi dhe metodologjia e konsultimeve me publikun, rregullorja, platforma dhe monitorimi e raportimi për rrjedhën e konsultimeve me publikun. Pra janë certifikuar 10 Trajner për konsultimet me publikun. MAPL, konform mandatatit të saj ligjor në vitin 2018 ka hartuar Udhëzimin Administrativ (MAPL) Nr. 04/2018 për Standardet minimale të Konsultimit Publik në Komuna. Me qëllim të informimit sa më të mirë të komunave, institucioneve ndërministrrore, organizatave të shoqërisë civile, mediet, si dhe akterëve të tjerë, MAPL ka zhvilluar konsultime publike me shkrim dhe në mënyrë elektronike. MAPL në bashkëpunim me partnerët (USAID) ka organizuar 5 sesione informuese me komunat dhe ministrinë, ku zyrtarët komunal janë informuar për obligimet dhe përgjegjësitë që kanë dalë nga ky udhëzim.	Sipas të dhënave nga ZQM, sesionet informuese janë realizuar. Nuk ka të dhëna nëse është publikuar raporti për trajnimet për vitin përkatës.		Raporti për trajnimet i publikuar më 2022: https://ikap.rks-gov.net/media/09f93879-53b4-4000-8e57-8fc194bf2fc7.pdf
1.1.2 Vendorsja e rregullave dhe standardeve për konsultimet me publikun në nivel lokal	Standardet dhe rregullat për konsultime me publikun të miratuara dhe në funksion	Është lansuar "Korniza për përmirësimin e zbatimit të standardeve minimale për konsultimet publike 2021-2025".	https://konsultimet.rks-gov.net/Storage/News/KORNIZA%20-SHOQIP.pdf		

¹ Me ngjyrë të gjelbër janë hijezuar aktivitetet plotësisht të zbatuara, me ngjyrë të kaltër aktivitetet pjesërisht të zbatuara, me ngjyrë të verdhë aktivitetet në proces të zbatimit ndërsa me ngjyrë të kuqe aktivitetet e pazbatuara.

<p>1.1.3 Ofrimi i një Programi trajnues për institucionet qeveritare qendrore dhe lokale për metodat e përfshirjes së OShC-ve në hartimin e politikave</p>	<p>Programi trajnues për institucionet qeveritare për metodat e përfshirjes së OShCve në hartimin e politikave i finalizuar dhe i shpërndarë Realizimi i 9 sesioneve trajnuese për ministri dhe komuna të përzgjedhura.</p>	<p>ZQM në bashkëpunim me IKAP dhe me përkrahjen e projektit të AT të BE-së, gjatë 2020 kanë organizuar dhe ofruar Programin e trajnimit të trajnerëve (ToT) për konsultimet publike. Në vitin 2019 ZQM bashkë me IKAP-in, ka zhvilluar trajnimin në fushën Administratës dhe Legjislacion më temën “Procesi i konsultimit me publikun” me dy grupe të pjesëmarrësve. Grupi i parë me 02-03 prill 2019, dhe grupi i dytë me 15 -16 prill 2019. Gjithashtu ZQM/ ZKM bashkë me IKAP-in dhe MAPL me 09 dhe 10 shtator 2019 kanë realizuar rundin tjetër të trajnimeve - Procesi i konsultimit publik në nivel lokal, ku pjesë e tij kanë qenë pesë komuna me nga 6 zyrtarë. Më 1 Dhjetor 2020 ZQM ka organizuar takim me koordinatorët për konsultime me publikun në ministrinë e linjës. ZQM/ZKM, me 14-15 dhjetor 2020 në bashkëpunim me IKAP ka realizuar trajnim për shërbyes civil nga niveli qendror e lokal për konsultimet me publikun. IKAP bashkë me ekipin e Trajnerëve të certifikuar dhe ZQM/ZKM kanë ftuar nëpunës të institucioneve të nivelit qendror dhe lokal që të marrin pjesë në trajnimin online “Procesi i konsultimit me publikun”. Trajnimet janë organizuar për 2 grupe të pjesëmarrësve me datat 26 dhe 27 Prill 2021, edhe me datat 29 e 30 Prill 2021. Organizimi i trajnimeve online ka vazhduar me ToT e certifikuar edhe me data 17 dhe 18 Maj 2021 - Grupin e Parë dhe Grupin e dytë me datat 24 dhe 25 Maj 2021.</p>	<p>Sipas të dhënave, është zhvilluar Programi i trajnimit të trajnerëve (ToT) për konsultimet publike dhe janë organizuar sesionet trajnuese.</p>		
------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------------------------------------	----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	---------------------------------------------------------------------------------------------------------------------------------------------------	--	--

<p>1.1.4 Avancimi dhe rritja e përdorimit të Platformës Online për konsultime me publikun</p>	<p>Platforma online e përmirësuar. Udhëzuesi i uebit i zhvilluar dhe përdorur nga institucionet shtetërore</p>	<p>Zyra për Qeverisje të Mirë në platformën online për konsultimet me publikun ka filluar në vitin 2020, mirëpo sidomos 2021 ka punuar në përditësimin e të dhënave për institucionet e edhe për koordinatorët përgjatë gjithë kohës së pandemisë si dhe ndryshimit të vendimeve të Kuvendit për institucionet qeveritare, korrigjimin e platformës dhe mirëmbajtjen e saj me të dhëna të reja. Një ndër pikat kryesore ku është ndërhyrë është kuantifikimi dhe gjenerimi i raporteve statistikore në lidhje me pjesëmarrjen e palëve të treta në proceset konsultative si dhe matjen e performancës së ministrive apo agjencive të ndryshme qeveritare në përfshirjen e qytetarëve në proceset vendimmarrëse.</p>	<p>https://konsultimet.rks-gov.net/</p>	<p>Gjatë vitit 2022, është punuar në lehtësimin e qasjes në dokumentet publike për personat me aftësi të veçanta. Në dhjetor 2022, ka filluar publikimi i videove duke përmbledhur përmbajtjen e dokumenteve në proces të konsultimit publik, për personat e shurdhër, me vështirësi në të dëgjuar dhe personat e verbër.</p>	<p>https://konsultimet.rks-gov.net/singlePost.php?Post=70017</p> <p>https://konsultimet.rks-gov.net/viewConsult.php?ConsultationID=41689</p>
<p>1.1.5 Ofrimi i trajnimeve në vendin e punës për ministrinë e përzgjedhura në përgatitjen e raporteve mbi rezultatet e konsultimeve publike</p>	<p>Trajnimet në vendin e punës për 7 ministri e përzgjedhura në përgatitjen e raporteve publike të realizuara</p>	<p>Gjatë vitit 2019, seanca janë zhvilluar me Ministrinë e Arsimit, Shkencës dhe Teknologjisë, Ministrinë e Administratës Publike dhe Ministrinë e Bujqësisë, Pylltarisë dhe Zhvillimit Rural, përderisa mbështetje është ofruar edhe për Ministrinë e Drejtësisë. Edhe gjatë vitit 2020-2021 Zyra për Qeverisje të Mirë/Zyra e Kryeministrit kanë vazhduar bashkëpunimi me ministrinë, komunat dhe shoqërinë civile sa i përket mbarëvajtjes dhe përmirësimit të procesit të konsultimeve publike. Ministrive dhe jo vetëm, por edhe Komunave, ju është ofruar mbështetje e vazhdueshme nga ana e Zyrës për Qeverisje të Mirë përmes informatave të përditshme, përgjigje dhe sqarime siç është kërkuar nga ata.</p>	<p>Sipas të dhënave, trajnime/mbështetje janë ofruar për 4 ministri.</p>		

<p>1.1.6 Organizimi i sesioneve trajnuese praktike për shfrytëzimin efektiv të Platformës Online</p>	<p>5 Sesione trajnuese me Ministritë dhe komunat</p>	<p>Zyra për Qeverisje të Mirë/Zyra e Kryeministrit, në bashkëpunim me Institutin e Administratës Publike –IKAP për dy ditë radhazi me 14 dhe 15 dhjetor 2020, ka realizuar trajnim për ngritje të kapaciteteve të shërbyesve civile nga niveli qendror e lokal për konsultimet me publikun dhe platformën online për përfshirje në politikë bërje. Për të vazhduar bashkë me Institutin e Kosovës për Administratë Publike (IKAP), ku janë ftuar nëpunës të institucioneve të nivelit qendror dhe lokal që të marrin pjesë në trajnimin online: Procesi i konsultimit me publikun me 2 (dy)grupe të pjesëmarrësve me datat 26,27 Prill 2021, dhe 29,30 Prill 2021. Organizimin e trajnimeve online ka vazhduar edhe me ToT e certifikuar me data 17 dhe 18 Maj 2021 Grupin e Parë dhe Grupin e dytë me date: 24 dhe 25 Maj 2021.</p>	<p>Sipas të dhënave, sesionet trajnuese janë organizuar.</p>		
<p>1.1.7 Organizimi i takimeve koordinuese për ministritë dhe zyrat e kryeministrit</p>	<p>6 takime të realizuara</p>	<p>Gjatë vitit 2019 janë organizuar tri takime koordinuese të ministrive dhe ZQM/ZKM-së. ZQM me 27 maj 2021 ka realizuar takim pune me IKAP-in dhe kanë punuar në plotësimet e planit kalendarik për trajnimet për konsultimet me publikun dhe për financim publik të OJQ-ve. Me 21 korrik 2021 është realizuar takim i përbashkët me koordinatorët për konsultime në ministri. Po ashtu, Zyra e Kryeministrit/ Zyra për Qeverisje të Mirë, ka realizuar takim pune me përfaqësues të MAPL për t'u koordinuar dhe diskutuar për procesin e avancimin dhe shtrirjes së konsultimeve publike edhe për nivelin lokal.</p>	<p>Sipas të dhënave, takimet koordinuese janë organizuar.</p>		

1.1.8 Publikimi i raporteve vjetore të monitorimit mbi zbatimin e standardeve minimale për konsultime me publikun ne nivel qendror dhe lokal	Raportet vjetore të monitorimit të publikuara në kohë dhe në përputhje me kërkesat e Rregullores	Në përputhje me kërkesat e Rregullores, Zyra për Qeverisje të Mirë/Zyra e Kryeministrit, në bashkëpunim me të gjitha ministrinë dhe institucionet tjera të përfshira në procesin e zhvillimit të politikave dhe legjisllacionit për të katërtin vit me radhë ka përgatitur raportet vjetore për konsultimet me publikun. Kërkesës së Zyrës për Qeverisje të Mirë/Zyrës së Kryeministrit për raportim nga ana e ministrive të dërguar me datë 22 shkurt 2021 i janë përgjigjur 13 ministri prej 15 sa janë, si dhe Zyra e Kryeministrit.	ZQM ka përgatitur dhe publikuar raportet vjetore të monitorimit mbi zbatimin e standardeve minimale për konsultime me publikun ne nivel qendror dhe lokal, për të tri vitet: 2019, 2020 dhe 2021.	Raporti për vitin 2022 është në proces të përgatitjes.	
1.1.9 Publikimi i praktikave më të mira të konsultimit me institucionet shtetërore dhe komunat	Praktikat më të mira të mbledhura, publikuara dhe të promovuara nëpër institucionet qendrore dhe lokale.	MAPL në bashkëpunim me organizatat e shoqërisë civile ka themeluar 'Forumit Konsultativ për Qeverisje Lokale' me qëllim të involvimit të tyre në politikën publike. Gjatë takimeve me organizatat e shoqërisë civile janë diskutuar edhe temat rreth praktikave më të mira të konsultimit publik në nivel qendror dhe lokal. Për më shumë shih: https://mapl.rks-gov.net/forumi-konsultativ-per-qeverisje-lokale/	Nuk ka të dhëna nëse praktikat më të mira janë publikuar dhe promovuar.		
1.1.10 Rekrutimi i një zyrtari për koordinimin e procesit të konsultimeve me publikun	Zyrtari i ri është rekrutuar dhe në punë	Gjatë kësaj kohe dhe në periudha të shkurta ZQM/ZKM është përkrahur nga projekte dhe donatorët e ndryshëm, projekti TACSO.	Sipas të dhënave, rekrutimi i zyrtarit nuk është bërë		
Objektivi specifik 1.2 Ngritja e njohurive të qytetarëve dhe shoqërisë civile për konsultimet publike					
Aktivitetet	Produkti (Output)	Rezultatet (2019-2021): ZQM	CiviKos (2019-2021)	Rezultatet (2022): ZQM	CiviKos (2022)
1.2.1 Zhvillimi dhe zbatimi i një strategjie të komunikimit me publikun për Platformën Online dhe standardet për konsultimet me publikun	Strategjia e komunikimit me publikun e zhvilluar, publikuar dhe plotësisht në funksion	Zyra për Qeverisje të Mirë/Zyra e Kryeministrit gjatë vitit 2020 e ka filluar fushatën informuese për Platformën Online për Konsultimet me Publikun dhe Standardet minimale për përfshirje të qytetarëve në politikë-bërje dhe vendimmarrje. Është përgatitur edhe një udhëzues për përdorimin e Platformës Online për Konsultime Publike.	Sipas të dhënave ZQM gjatë vitit 2020 ka filluar fushatën informuese për Platformën Online për Konsultimet me Publikun dhe Standardet minimale për përfshirje të qytetarëve në politikë-bërje dhe vendimmarrje. Po ashtu me mbështetje të donatorëve, është përgatitur një Strategji e komunikimit me publikun mbi platformën Online dhe standardet e konsultimeve publike. Strategjia nuk është publikuar.		

1.2.2 Zhvillimi i një fushate për ngritjen e vetëdijes për standardet e konsultimit me publikun	Udhëzuesi për shfrytëzimin e platformës online për konsultime me publikun nga OSHC-të dhe qytetarët i zhvilluar dhe i shfrytëzueshëm	Zyra për Qeverisje të Mirë / Zyra e Kryeministrit duke filluar nga shtatori 2020, ka avancuar modalitetet në platformën për konsultime dhe përmes platformës, uebfaqes dhe rrjeteve sociale, ka zhvilluar dhe po zhvillon një fushatë informuese për Platformën Online për Konsultimet Publike dhe Standardet Minimale për përfshirjen e qytetarëve në politikë bërje dhe vendimmarrje. Është përgatitur një udhëzues për përdorimin e Platformës Online për Konsultimet Publike (tutorial) i cili u bën thirrje qytetarëve, përfaqësuesve të shoqërisë civile dhe publikut të gjerë që të përdorin Platformën Online për konsultime publike. Ky tutorial gjithashtu edhe e shpjegon se si shoqëria civile dhe publiku mund të përfshihen në platformë dhe të komentojnë.	Udhëzuesi është përgatitur dhe publikuar		
	3 Video spote në platformën online të zhvilluara dhe të transmetuara në TV dhe radio stacionet më të mëdha, si dhe përmes rrjeteve sociale		Video spotet janë përgatitur dhe shpërndarë		
	Dizajnimi, shtypja dhe shpërndarja e fletushkave për platformën online		Fletushkat janë përgatitur dhe shpërndarë		
Objektivi specifik 1.3 Përmirësimi i kapaciteteve të OSHC-ve për të kontribuar në procesin e konsultimeve publike					
Aktivitetet	Produkti (Outputi)	Rezultatet (2019-2021): ZQM	CiviKos (2019-2021)	Rezultatet (2022): ZQM	CiviKos (2022)
1.3.1 Mbajtja e sesioneve informuese për rritjen e kapaciteteve të OSHCve për të kontribuar në procesin e konsultimeve publik	Sesionet informuese të mbajtura për 5 qendra rajonale (Pejë, Prishtinë, Gjiilan, Mitrovicë, Prizren)	Edhe pse Zyra për Qeverisje të Mirë/ Zyra e Kryeministrit ka organizuar dhe realizuar takime edhe me OSHC-të për ti informuar për procesin e konsultimeve me publikun, platformën për konsultime dhe detajet për qasje në platformë, ajo që duhet të theksohet është se gjatë kohës që po raportohet nuk janë realizuar trjanimet e sesioneve informuese vetëm për OSHC-të për të kontribuar në procesin e konsultimeve publike.			

SHTOJCA II. ZBATIMI I OBJEKTIVIT STRATEGJIK 2: PËRMIRËSIMI I KORNIZËS INSTITUCIONALE DHE LIGJORE PËR FINANCIM NË ZHVILLIMIN E QËNDRUESHËM TË PROGRAMEVE DHE PROJEKTEVE TË OSHCVE ME INTERES PUBLIK²

Objektivi specifik 2.1 Fuqizimi i kapaciteteve të Ministrive dhe Komunave për zbatimin e standardeve për financimin publik të OShC-ve					
Aktivitetet	Produkti (Outputi)	Rezultatet (2019-2021): ZQM	CiviKos (2019-2021)	Rezultatet (2022): ZQM	CiviKos (2022)
2.1.1 Zhvillimi i programit trajnues për ministrinë dhe komunat për zbatimin e Rregullores dhe për vlerësimin e propozimeve të projekteve dhe programeve të OSHC-ve për ministrinë dhe komunat	Programi i trajnimit i zhvilluar dhe realizimi i sesioneve trajnuese dhe punëtorive për vlerësimin e projekteve/ programeve të organizatave të shoqërisë civile në nivel qendror dhe lokal	Zyra për Qeverisje të Mirë/Zyra e Kryeministrit në bashkëpunim me Institutin e Kosovës për Administratë Publike dhe me përkrahjen e projektit të AT të BE-së, gjatë 2020, kanë organizuar dhe ofruar Programin e trajnimit të trajnerëve (ToT) për kriteret, standardet dhe procedurat e financimit publik të OJQ-ve. Janë certifikuar dymbëdhjetë (12) Trajner për kriteret, standardet dhe procedurat e financimit publik të OJQ-ve.	Sipas të dhënave, është zhvilluar dhe organizuar Programi i trajnimit të trajnerëve.		
2.1.2 Ofrimi i trajnimeve në vend të punës dhe mentorimi (duke përfshirë edhe rolin mbikëqyrës) për ministrinë dhe komunat në përgatitjen dhe zbatimin e thirrjeve për financim publik të projekteve dhe programeve të OSHC-ve	Realizimi i trajnimeve në vendin e punës dhe mentorimi i dhënë për së paku 9 ministri dhe 15 komuna	Gjatë vitit 2019 janë organizuar seanca trajnuese në punë mbi standardet e financimit për komunat e Mitrovicës së Jugut, Dragashit, Pejës, Prishtinës dhe Prizrenit. Janë organizuar dy punëtori trajnuese specifike (7 Nëntor 2019 dhe 29 Janar 2020) për vlerësimin e projekteve/ programeve të OJQ-ve me qëllim të përmirësimit të shkathtësive dhe kompetencave të ministrive të linjës dhe komunave në këtë fushë thelbësore të ciklit të financimit publik. Më 26-27 dhe 28-29 qershor 2021 janë zhvilluar dy seanca trajnuese fillestare (dy ditore) për financimin publik të OJQ-ve.	Sipas të dhënave, janë organizuar 9 seanca/ punëtori trajnuese, prej të cilave 5 janë organizuar nëpër komuna.		

2 Me ngjyrë të gjelbër janë hijezuar aktivitetet plotësisht të zbatuara, me ngjyrë të kaltër aktivitetet pjesërisht të zbatuara, me ngjyrë të verdhë aktivitetet në proces të zbatimit ndërsa me ngjyrë të kuqe aktivitetet e pazbatuara.

<p>2.1.3 Organizimi i takimeve bashkërenduese për ZKM, ministritë dhe komunat për planifikimin e përbashkët dhe raportimin për financimin publik të OSHC-ve</p>	<p>Takime koordinuese të mbajtura, se paku 5 sosh.</p>	<p>Gjatë vitit 2019 janë organizuar dy sesione informuese për përgatitjen e Raportit për financimin e OJQ-ve për vitin 2018 nga institucionet qendrore dhe lokale, më 6 mars është organizuar takimi për ministritë e linjës, ndërsa më 7 mars takimi me komunat. ZQM bashkë me projektin TACSO dhe ekspertët e angazhuar nga projekti me 9 dhe 10 dhjetor 2021 kanë realizuar sesione informuese për zyrtarë të nivelit qendror e lokal për planifikimin dhe raportimin e financimit publik për OSHC-të. ZQM me 23 shkurt ka realizuar takim të përbashkët me Drejtorin e Thesarit dhe koordinatoren e projektit TACSO për Kosovë, që si qëllim kishte bashkëpunimin dhe koordinimin për harmonizim dhe përfshirjen e të gjitha të dhënave në raportin vjetor për përkrahjen financiare që kanë dhënë institucionet për OJQ-të gjatë vitit 2020. ZQM me 27 maj 2021 ka realizuar takim pune me IKAP-in dhe kanë punuar në plotësimet e planit kalendarik për trajnimet për konsultimet me publikun dhe për financim publik të OJQ-ve.</p>	<p>Sipas të dhënave, takimet koordinuese/ sesionet informuese janë realizuar.</p>		
<p>2.1.4 Publikimi i raporteve vjetore për financimin publik të OSHC-ve në Kosovë</p>	<p>Raportet vjetore të publikuara në kohë dhe në përputhje me kërkesat e Rregullores</p>	<p>Raporti për vitin 2021 është përgatitur dhe publikuar sipas rregullores ku secili ofruer i mbështetjes financiare dërgon raport te ZKM. Platforma e Financimit Publik i është nënshtruar një përmirësimi për të mundësuar raportimin hierarkik i administruar nga Zyra për Qeverisje të Mirë/Zyra e Kryeministrit dhe me shumë përdorues tjerë konkretisht nga të gjitha Ministritë dhe Komunat e Kosovës si dhe njësitë përkatëse të tyre tashmë po raportojnë direkt në platformë.</p>	<p>ZQM ka përgatitur dhe publikuar raportet vjetore për financimin publik të OSHC-ve për të tri vitet: 2019, 2020 dhe 2021.</p>	<p>Raporti për vitin 2022 është në proces të përgatitjes.</p>	

2.1.5 Përmirësimi i bazës qendrore të të dhënave për financimin publik të OSHC-ve në Kosovë. ojqfinancime.rks-gov.net	Platforma qendrore online e të dhënave për financimin publik të OSHC-ve e zhvilluar dhe tërësisht funksionale	Është përmirësuar baza e të dhënave qendrore online për financimin publik të OSHC-ve në Kosovë. Tash mund të gjenden të dhënat për mbështetjen financiare publike për OSHC-të sipas viteve, institucioneve, OJQ-ve, etj.	http://ojqfinancime.rks-gov.net/	Nga viti 2022 është mundësuar raportimi direkt për të gjitha institucionet në platformë si dhe ka filluar publikimi i të dhënave për fondet nga donatorët ndërkombëtarë.	http://ojqfinancime.rks-gov.net/lista-e-hollesishme/
2.1.6 Rishikimi i Manualit për zbatimin e Rregullores për Financimin Publik të OSHC-ve	Manuali i rishikuar dhe përditësuar në bazë të komenteve dhe te gjetjeve nga Ministritë, Komunitat dhe OSHC-të	Në vitin 2022 do të iniciohet një rishikim i rregullores aktuale të financimit publik të OJQ-ve, për të adresuar pengesat kryesore të identifikuara gjatë viteve të zbatimit të saj dhe bashkë me të do të rishikohet edhe manuali.	Nuk ka të dhëna për aktivitete konkrete gjatë periudhës 2019-2021		
2.1.7 Rritja e rolit mbikëqyrës të MF-së në zbatimin e Rregullores	Letra qarkore e dërguar nga MF (Dep. e Buxhetit) për zbatimin e Rregullores për ministritë	Departamenti i Buxhetit gjatë komunikimit me Organizata Buxhetore vazhdimisht kërkon të zbatohet Rregullorja për financimin e OJQ-ve.	Nuk ka informacion nëse letra qarkore është dërguar nga MF.	Në dhjetor 2022 Ministria e Financave, Punës dhe Transfereve ka përgatitur dhe dërguar tek institucionet Qarkoren për zbatimin e Rregullores për Financimin Publik të OJQ-ve	
2.1.8 Krijimi i bashkëpunimit dhe komunikimit ndërmjet OB dhe OSHC-ve lidhur me ciklin e financimit të OSHC-ve për financat publike (planifikimi, ekzekutimi dhe auditimi)	Konsultimet publike mbi planin vjetor të thirrjeve publike nga niveli qendror dhe lokal për financimin e OSHC-ve të realizuara duke përfshirë planifikimin, ekzekutimin dhe monitorimin	Është në vazhdimësi duke u përmirësuar sistemi i planifikimit dhe raportimit dhe auditimi i financimit publik të OJQ-ve. Platforma përveç që do të jetë një dritare për publikimin e planeve për financim të fondeve që institucionet ndajnë për OSHC-të, në fazën tjetër ajo mund dhe planifikohet të adaptohet dhe lidhet drejtpërdrejtë edhe me bazën e të dhënave të donatorëve ndërkombëtarë që financojnë OSHC-të në Kosovë, e cila aktualisht menaxhohet nga Zyra e BE-së në Kosovë.			

Objekti specifk 2.2. Përmirësimi i kornizës ligjore dhe institucionale për zhvillimin e filantropisë individuale dhe të korporatave					
Aktivitetet	Produkti (Output)	Rezultatet (2019-2021): ZQM	CiviKos (2019-2021)	Rezultatet (2022): ZQM	CiviKos (2022)
2.2.1 Të rishikohet korniza ligjore e përkufizimit dhe rregullimit të filantropisë (duke përfshirë dhurimet, harmonizimin e fushave të OBP-së)	Koncept dokumentet për krijimin e një kornize ligjore gjithëpërfshirëse për filantropinë të përgatitura	Ndonëse, disa nisma fillestare janë ndërmarrë në nivelin e diskutimeve në vitin, nuk ka ndryshime në legjislacion në lidhje me filantropinë individuale dhe atë të korporatave. Nuk ka progres që duhet të vlerësohet. Krijimi dhe fuqizimi i mekanizmave institucional për zhvillimin e filantropisë individuale dhe të korporatave është planifikuar që të zbatohet në bashkëpunim me ATK, FIQ dhe Projektin e AT-së dhe duhet të punohet gjatë viti 2022.			<p>Në prill të vitit 2022 është mbajtur takimi i parë i Forumit joformal të Filantropisë, duke shënuar kështu themelimin e Forumit në kuadër të Programit për Angazhim Qytetar, një përpjekje e përbashkët e KCSF dhe misionit të USAID në Kosovë për të ofruar një platformë që mundëson diskutimin sistematik të çështjeve dhe veprimeve për të sjellë një ekosistem më të favorshëm ligjor dhe praktik për filantropinë në Kosovë.</p> <p>Një analizë e kornizës ligjore dhe rregullative për filantropinë në Kosovë është duke u zhvilluar nga KCSF në bashkëpunim me European Center for not-for-Profit Law, në kuadër të Programit për Angazhim Qytetar. Analiza ka qasje gjithëpërfshirëse dhe shumë-shtresore të pengesave kryesore që pengojnë zhvillimin e filantropisë, ofron praktika krahasuese evropiane dhe propozon zgjidhje specifike për çështjet e identifikuar. Analiza do të shërbejë si bazë për të nisur dialog politikash që promovon kulturë të dhurimeve individuale për kauza të së mirës publike.</p>

2.2.2 Dizajni dhe zhvillimi i programit/sistemit trajnues për zyrtarët e tatimit për praktikant vendore dhe ndërkombëtare të administrimit të përfitimeve tatimore për filantropinë individuale dhe të korporatave	Programi trajnues i dizajnuar dhe zhvilluar dhe mbajta e sesione trajnuese.	Nuk ka progres dhe rrjedhimisht në linjë të aktivitetit paraprak shtyhet për vitin tjetër.			
2.2.3 Krijimi dhe fuqizimi i mekanizmeve institucionale për zhvillimin e filantropisë individuale dhe të korporatave	Përgjegjësitë institucionale për monitorimin dhe përmirësimin e kornizës ligjore dhe të politikave për filantropinë të përkufizuara Personeli përkatës i trajnuar nga institucionet përgjegjëse për politikën e filantropisë	Ky aktivitet do të realizohet në vitin 2022. Nuk ka progres.			
2.2.4 Fushatat informuese për biznese dhe qytetarë për mundësinë që individët ose korporatat ofrojnë për filantropinë	Fletëpalosjet e dizajnuara dhe të shtypura (1000 kopje) Fletëpalosjet e shpërndara te qytetarët dhe bizneset	Nuk ka progres.			

Objekti specifik 2.3. Rregullimi i ndarjes së pronës publike për shfrytëzim nga OSHC-të

Aktivitetet	Produkti (Outputi)	Rezultatet (2019-2021): ZQM	CiviKos (2019-2021)	Rezultatet (2022): ZQM	CiviKos (2022)
2.3.1 Krijimi i standardeve, procedurave, kritereve dhe mekanizmeve institucionale transparente për rregullimin e dhënies së pronave shtetërorë në shërbim të OSHC-ve	Standardet dhe Procedurat janë hartuar dhe miratuar	Është miratuar Ligji nr. 06/I-092 për dhënien në shfrytëzim dhe këmbimin e pronës së paluajtshme të komunës si dhe Rregullorja (QRK) – Nr.09/2020 për përcaktimin e procedurave të dhënies në shfrytëzim dhe këmbimin e pronës së paluajtshme të Komunës, të cilat rregullojnë procedurat, kriteret si dhe mekanizmat transparentë për rregullimin e alokimit të pronës komunale për përdorim nga OSHC-të.	https://gzk.rks.gov.net/ActDetail.aspx?ActID=18917	Gjatë vitit 2022 MAPL ka filluar procesin e plotësimit/ndryshimit të Ligjit për dhënien në shfrytëzim dhe këmbimin e pronës së paluajtshme të komunës, mirëpo ky është një aktivitet shtesë krahas aktiviteteve të realizuara.	

2.3.2 Dizajnimi dhe zhvillimi i një programi/ sistemi trajnues për shërbyesit civil mbi përdorimin e standardeve dhe procedurave për rregullimin e dhënies së pronës publike në shfrytëzim të OSHC-ve	Trajnimi i dizajnuar dhe i zhvilluar për zbatimin e standardeve dhe procedurave	Pas miratimit të Ligjit nr. 06/l-092 dhe Rregullores (QRK) – Nr.09/2020 janë organizuar trajnime për të sqaruar procedurat për dhënien e pronës komunale duke përfshirë edhe OSHC-të. Gjithashtu është hartuar edhe një Qarkore ku u është shpërndarë komunave lidhur me procedurat e dhënies së pronës komunale në shfrytëzim shkresë njoftuese për komuna lidhur me procedurat e kthimit të pronave të menxhuar nga AKP në pronësi të komunave.			
2.3.3 Zhvillimi i Regjistrimit Elektronik të pronave shtetërore të dhëna në shfrytëzim të OSHC-ve	Regjistri Elektronik i përgatitur dhe funksional	Ligji nr. 06/l-092 për dhënien në shfrytëzim dhe këmbimin e pronës së paluajtshme të komunës si dhe Rregullorja (QRK) – Nr.09/2020 për përcaktimin e procedurave të dhënies në shfrytëzim dhe këmbimin e pronës së paluajtshme të Komunës e kanë paraparë që komunat janë të obliguar që të publikojnë listën e pronave komunale që planifikojnë të ipen në shfrytëzim, kjo listë duhet të publikohet në faqen e komunës respektive.	Edhe pse sipas informatave nga ZQM, komunat në bazë të Ligjit dhe Rregullores përkatëse për këtë fushë janë të obliguar ta publikojnë listën e pronave komuna që jepen në shfrytëzim, nuk ka të dhëna apo informata nëse është zhvilluar Regjistri Elektronik i pronave shtetërore të dhëna në shfrytëzim për OSHC-të.		
Objektivi specifik 2.4. Krijimi i një sistemi të bashkëfinancimit për projektet e OSHC-ve të financuara nga BE-ja					
Aktivitetet	Produkti (Outputi)	Rezultatet (2019-2021): ZQM	CiviKos (2019-2021)	Rezultatet (2022): ZQM	CiviKos (2022)
2.4.1 Krijimi i mekanizmit financiar në Ministrinë e Integritimit për Bashkëfinancimin e projekteve të financuara nga BE për OSHC-të	Mekanizmi i financimit është krijuar dhe është funksional	Nuk ka progres.			
2.4.2 Vendosija e standardeve, procedurave dhe mekanizmave institucional për bashkëfinancimin e projekteve të OSHC-ve të mbështetura nga BE-ja	Analiza e praktikave të mira në bashkëfinancimin e projekteve të OSHC-ve të mbështetura nga BE-ja i përgatitur Standardet dhe procedurat e miratuara dhe institucioni përgjegjës me buxhetin përkatës është vendosur.	Zbatimi në zhvillim e sipër. Janë duke u realizuar diskutimet fillestare.	Nuk ka të dhëna konkrete për këtë proces		

2.4.3 Dizajnimi dhe zhvillimi i një programi/ sistemi trajnues për shërbyesit civil dhe OSHC-të për përdorimin e standardeve dhe procedurave për bashkëfinancimin e projekteve të OSHC-ve të mbështetura nga BE-ja	Programi i trajnimit i dizajnuar dhe zhvilluar për personelin përkatës të institucioneve përgjegjëse.	Nuk ka progres. _			
2.4.4 Mbajtja e sesione informuese për OSHC-të për mundësitë e bashkëfinancimit të projekteve të mbështetura nga BE-ja	5 sesione informuese të mbajtura në rajonet kryesore.	Nuk ka progres.			
2.4.5 Rekrutimi i zyrtarit të ri për koordinimin e procesit të financimit publik të OSHCve	Zyrtar i ri i rekrutuar dhe në punë.	Është bërë transferimi i një zyrtari të ish-MIE te Zyra për Qeverisje të Mirë/Zyra e Kryeministrit.			

SHTOJCA III. ZBATIMI I OBJEKTIVIT SRATEGJIK 3: ZHVILLIMI I PRAKTIKAVE DHE PROCEDURAVE PËR KONTRAKTIMIN E OSHC-VE NË OFRIMIN E SHËRBIMEVE PUBLIKE³

Objektivi specifik 3.1. Përmirësimi i kornizës së përgjithshme ligjore dhe institucionale për rregullimin e aktiviteteve ekonomike të OJQ-ve					
Aktivitetet	Produkti (Outputi)	Rezultatet (2019-2021): ZQM	CiviKos (2019-2021)	Rezultatet (2022): ZQM	CiviKos (2022)
3.1.1 Konsolidimi i kornizës së përgjithshme ligjore, duke përfshirë legjislationin tatimor, në lidhje me aktivitetet ekonomike të OSHC-ve	Hartimi i një analize të politikave për dispozitat që duhet të adresohen Përgatiten Korniza ligjore është konsoliduar (posaçërisht Ligji për Tatimin në të Ardhura të Korporatave) Korniza ligjore është në zbatim	Nuk ka pasur aktivitete specifike për këtë veprim.			
3.1.2 Përgatitja e Udhëzimeve për zbatimin e kornizës së konsoliduar ligjore me raste studimore	Udhëzimet janë përgatitur	Nuk ka pasur aktivitete specifike për këtë veprim.			
3.1.3 Organizimi i sesioneve informuese për shërbyesit civil, duke përfshirë zyrtarët tatimor, për t'i informuar ata për ndryshimet në kornizën ligjore	Tri sesione informuese të mbajtura	Nuk ka pasur aktivitete specifike për këtë veprim.			

3 Me ngjyrë të gjelbër janë hijezuar aktivitetet plotësisht të zbatuara, me ngjyrë të verdhë aktivitetet në proces të zbatimit ndërsa me ngjyrë të kuqe aktivitetet e pazbatuara.

Objektivi specifik: 3.2. Përmirësimi i njohurive të institucioneve rreth mundësive (modeleve) ekzistuese për kontraktimin e OSHC-ve					
Aktivitetet	Produkti (Outputi)	Rezultatet (2019-20021): ZQM	CiviKos (2019-2021)	Rezultatet (2022): ZQM	CiviKos (2022)
3.2.1 Finalizimi i vlerësimit të nevojave për ofrimin e shërbimeve publike nga OSHC-të në fusha të ndryshme të punës	Vlerësimi i nevojave i formuluar për të vendosur standardet dhe procedurat për ofrimin e shërbimeve publike nga OSHC-të	Aktualisht MFPT njihet si institucion që i mbështet OSHC-të në ofrimin e shërbimeve. Pika e nisjes, krahas nevojës për përmirësimin e mëtejshëm të legjislacionit, duhet të jetë krijimi i bazës së të dhënave për OSHC-të të cilat janë ofruese të shërbimeve. Gjithashtu Platforma CiviKos në bashkëpunim me Zyrën për Qeverisje të Mirë/Zyra e Kryeministrit është në proces të finalizimit të vlerësimit të nevojave të organizatave që ofrojnë shërbime në kuadër të projektit "Mitigating the impact of the COVID-19 pandemic on CSOs providing services mbështetur nga Balkan Trust for Democracy, financuar nga German Marshall Fund -USAID.			Platforma CiviKos në kuadër të projektit "Zbutja e ndikimit të pandemisë COVID-19 të OSHC-të që ofrojnë shërbime", në partneritet me European Center for Not for-Profit LaëStichting (ECNL) dhe me Zyrën për Qeverisje të Mirë, si dhe financuar nga Balkan Trust for Democracy, një projekt i Fondit Gjerman Marshall të Shteteve të Bashkuara dhe USAID, ka përgatitur dokumentet si në vijim: "Hartëzimi dhe Sfidat e Organizatave të Shoqërisë Civile në ofrimin e shërbimeve sociale dhe familjare në Kosovë"; "Dokument i Politikave Lidhur me Kontraktimin e Shërbimeve nga OSHC-të"; dhe "Korniza Ligjore në Republikën e Kosovës Lidhur me Kontraktimin e Shërbimeve nga OJQ-të"
3.2.2 Dizajni dhe zhvillimi i një programi trajnues për shërbyesit civil për të mësuar rreth kornizës ligjore dhe modelet ekzistuese për kontraktimin e OSHC-ve në lidhje me ofrimin e shërbimeve publike	Trajnimi është dizajnuar dhe zhvilluar për kornizën ligjore dhe modelet ekzistuese për kontraktimin e OSHC-ve Mbajtja e 6 sesioneve të trajnimeve për kontraktim të OSHC-ve	Ky aktivitet ndërlidhet me ndryshimin e legjislacionit.	Nuk ka të dhëna nëse trajnimi është dizajnuar dhe zhvilluar		

<p>3.2.3 Lansimi fushatës për informim publik për OSHC-të rreth mundësive për të ndihmuar qeverinë të ofrojë shërbime publike</p>	<p>Fushata e informimit publik e përgatitur 8 sesioneve të informimit publik të mbajtura</p>	<p>Zyra për Qeverisje të Mirë ka qenë pjesë e aktivitetit që Fondi për Zhvillim Komunitar – CDF, në kuadër të Programit të financuar nga granti i Fondit Global kanë iniciuar diskutimin dhe procesin e krijimit të një mekanizmi të qëndrueshëm të financimit publik të Organizatave të Shoqërisë Civile (OSHC), për të ofruar shërbime shëndetësore parandaluese të bazuara në komunitet, në kuadër të Programeve kombëtare për HIV dhe TB. Kontraktimi social është mekanizëm i financimit publik të OSHC-ve i cili konsiderohet si faktor esencial në reagimin e qëndrueshëm dhe efektiv ndaj HIV dhe TB, dhe dëshmon kapacitetin e Qeverisë për të siguruar vazhdimësinë e zbatimit të këtyre shërbimeve të ofruara nga OSHC-të edhe pas tranzicionit nga mbështetja financiare e donatorëve.</p>	<p>Nuk ka të dhëna nëse janë mbajtur sesionet e informimit publik</p>		
<p>Objekti specifik 3.3. Përmirësimi i legjislacionit që rregullon standardet dhe procedurat për ofrimin e shërbimeve publike nga OSHC-të</p>					
Aktivitetet	Produkti (Outputi)	Rezultatet (2019-2021): ZQM	CiviKos (2019-2021)	Rezultatet (2022): ZQM	CiviKos (2022)
<p>3.3.1 Krijimi i standardeve, procedurave dhe kritereve për rregullimin e ofrimit të shërbimeve publike nga OSHC-të</p>	<p>Dizajni i databazës i kompletuar Databaza është lansuar Të gjitha OSHC-të janë regjistruar si ofrues të mundshëm të shërbimeve publike</p>	<p>Ministria e Financave, Punës dhe Transfereve posedon një liste të OJQ-ve që ofrojnë shërbime sociale. Po ashtu Ministria e Shëndetësisë ka një liste të OJQ-ve që ofrojnë shërbime shëndetësore. Ish MPMS, tanimë Ministria e Financave Punës dhe Transfereve, disponon dhe ka në dispozicion listën e OJQ-ve të licencuara për ofrim të shërbimeve sociale dhe familjare në nivel vendi. Nr. i OJQ-ve të licencuara ka arritur në 49 OJQ. Gjithashtu Platforma CiviKos është në proces të grumbullimit të dhënave për OSHC-te që ofrojnë shërbime.</p>	<p>Nuk ka të dhëna nëse është dizajnuar dhe kompletuar databaza.</p>		

Objektivi specifik 3.4. Përmirësimi i legjislacionit që rregullon standardet dhe procedurat për ofrimin e shërbimeve publike nga OSHC-të					
Aktivitetet	Produkti (Outputi)	Rezultatet (2019-2021): ZQM	CiviKos (2019-2021)	Rezultatet (2022): ZQM	CiviKos (2022)
3.4.1 Krijimi i standardeve, procedurave dhe kritereve për rregullimin e ofrimit të shërbimeve publike nga OSHC-të	Standardet dhe Procedurat janë hartuar dhe miratuar	Nuk ka pasur aktivitete specifike për këtë veprim.			
3.4.2 Përgatitja e Manuali Online me udhëzime për kontraktimin e OSHC-ve për ofrimin e shërbimeve publike, në bazë të kornizës ligjore të ndryshuar	Doracaku me udhëzime për kontraktimin e OSHC-ve për ofrimin e shërbimeve publike është përgatitur dhe shpërndarë, në bazë të kornizës ligjore të ndryshuar Manuali i publikuar në ueb faqe	Nuk ka pasur aktivitete specifike per këtë veprim.			

SHTOJCA IV. ZBATIMI I OBJEKTIVIT STRATEGJIK 4: RITJA E VULLNETARIZMIT PËR PROGRAMET ME INTERES PUBLIK⁴

Objekivi specifik 4.1. Rritja dhe promovimi i vullnetarizmit në programet me interes publik					
Aktivitetet	Produkti (Outputi)	Rezultatet (2019-2021): ZQM	CiviKos (2019-2021)	Rezultatet (2022): ZQM	CiviKos (2022)
4.1.1 Të hartohet dhe miratohet Koncept Dokumenti mbi Vullnetarizmin	Koncept dokumenti për rregullimin dhe promovimin e vullnetarizmit i përgatitur Rekomandimet e koncept dokumentit mbi vullnetarizmin dhe masat të tjera të nevojshme të miratuara Rekomandimet e koncept dokumentit janë miratuar duke siguruar zbatimin e qëndrueshëm	Koncept Dokumentit për Vullnetarizëm është në proces të finalizimit dhe tashmë është duke u punuar në përmbylljen e tij. Ky proces u diskutua edhe me rastin e ditës së Rinisë në korrik të 2020 dhe bashkë me OJQ-të pjesëmarrëse jemi pajtuar që ky draft të jetë sa më shpejt për konsultim paraprak dhe publik. Për të kontribuar në proces të finalizimit të Koncept Dokumentit për Vullnetarizëm, drafti është ndarë me OJQ-të që punojnë në fushën e vullnetarizmit. Në tetor 20021 bashkë me OJQ LENS jemi në përmbyllje të dokumentit dhe shumë shpejt do të procedohet për konsultim paraprak e publik dhe aprovim në qeveri.	Edhe pse një koncept-dokument për vullnetarizëm është përgatitur dhe ndarë me OJQ-të që punojnë në këtë fushë, rekomandimet nga ky koncept-dokument nuk janë të miratuara.		Gjatë vitit 2022 KCSF së bashku me organizatën TOKA kanë filluar zhvillimin e një hulumtimi rreth vullnetarizmit në Kosovë, i cili ka për qëllim që të nxjerrë rekomandime dhe zgjidhje konkrete mbi përmirësimin e ekosistemit të vullnetarizmit në Kosovë.
4.1.2 Implementimi i rekomandimeve nga Koncept dokumenti	Koncept dokumenti për rregullimin dhe promovimin e vullnetarizmit i përgatitur Rekomandimet e koncept dokumentit mbi vullnetarizmin dhe masat të tjera të nevojshme të miratuara Rekomandimet e koncept dokumentit janë miratuar duke siguruar zbatimin e qëndrueshëm	Ky aktivitet do të realizohet në rrjedhë të aktivitetit paraprak dhe duhet të shtyhet për 2022.			

⁴ Me ngjyrë të verdhë janë hijezuar aktivitetet në proces të zbatimit ndërsa me ngjyrë të kuqe aktivitetet e pazbatuara.

Objektivi specifik 4.2. Zhvillimi i kapaciteteve të OSHC-ve për të rekrutuar, angazhuar dhe menaxhuar vullnetarët					
Aktivitetet	Produkti (Outputi)	Rezultatet (2019-2021): ZQM	CiviKos (2019-2021)	Rezultatet (2022): ZQM	CiviKos (2022)
4.2.1 Lansimi i një skeme të granteve për financimin e aktiviteteve për zhvillimin e kapaciteteve për OSHC-të për menaxhimin efektiv të vullnetarëve	Skema e granteve e publikuar dhe 4-5 OSHC të kontraktuara për të ofruar programe trajnimi për menaxhimin efektiv të vullnetarëve në komunitetet e tyre lokale Ligjet e nevojshme të ndryshuara; Gazeta zyrtare; faqet e internetit të ZQM/ZKM; Raportet mbi zbatimin e strategjisë	Nuk është realizuar.			
4.2.2 Përgatitja e një Manuali me udhëzime për rekrutimin dhe menaxhimin e vullnetarëve	Manuali me udhëzimet për angazhimin e vullnetarëve i përgatitur dhe shpërndarë, në bazë të ndryshimeve të kornizës ligjore Manuali i publikuar në ueb faqen e ZQM/ZKM-së	Nuk është realizuar.			
Objektivi specifik 4.3. Rritja e ndërgjegjësimit të qytetarëve për mundësitë dhe vlerat e vullnetarizmit					
Aktivitetet	Produkti (Outputi)	Rezultatet (2019-2021): ZQM	CiviKos (2019-2021)	Rezultatet (2022): ZQM	CiviKos (2022)
4.3.1 Rritja e ndërgjegjësimit të qytetarëve për mundësitë dhe vlerat e vullnetarizmit	Video spoti për rëndësinë e vullnetarizmit i përgatitur dhe i transmetuar në media Fletushkat rreth asaj se si mund të organizohet vullnetarizmi i përgatitur dhe shpërndarë	Me rastin e shënimit të Ditës Ndërkombëtare të Rinisë kanë organizuar takim të përbashkët dhe konferencë për media bashkë me OJQ-të që punojnë me të rinjtë dhe ata që merren me vullnetarizmin me 12 gusht 2019. Zyra për Qeverisje të Mirë –Zyra e Kryeministrit së bashku me Ministrinë e Kulturës, Rinisë dhe Sportit, si dhe organizatat; PEN - Peer Educators Netëork / Lens / OSCE Mission in Kosovo/ UNICEF/ RYCO/ kanë organizuar konferencë me rastin e Ditës Botërore të Vullnetarizmit me 05 dhjetor 2019.	Sipas të dhënave nga ZQM, ZQM së bashku me disa OJQ dhe donatorët ndërkombëtarë kanë organizuar konferencë me rastin e Ditës Botërore të Vullnetarizmit. Një videospot për rëndësinë e vullnetarizmit është realizuar dhe transmetuar.		

<p>4.3.1 Përmirësimi i regjistrin Online për vullnetarët e rinj të regjistruar</p>	<p>Regjistri Online i përmirësuar Regjistri Online i përmirësuar dhe tërësisht në përdorim</p>	<p>Për nder të Ditës së Rinisë, Lësisë, mbështetur nga OSCE Mission in Kosovo dhe në bashkëpunim me Ministria e Kulturës, Rinisë dhe Sportit dhe ZQM/ZKM kanë prezantuar Platformën Kosovo Youth. Synim i kësaj platforme është punë, punë praktike, trajnime, bursa, grante, dhe shumë mundësi të tjera, të gjitha në një platformë të vetme.</p>	<p>Nuk ka të dhëna nëse platforma është përmirësuar</p>		<p>Sipas të dhënave, Platforma është rifunksionalizuar mirëpo ende nevojitet që të mirëmbahet.</p>
------------------------------------------------------------------------------------	----------------------------------------------------------------------------------------------------	----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	---------------------------------------------------------	--	----------------------------------------------------------------------------------------------------

